

道咸同光四朝詩史

趙

藩字樾村

一字介庵  
又號煖仙

雲南劍川人

光緒乙亥舉人

官至四川永寧道署按察使有向湖村舍詩初集

二卷

刊於長沙尚有二三四集及詩安堂文小集

任易州縣掾

年敘平寇勞由州縣游擢監司  
介淵粹篤學堅苦洞達治術不能與時  
往寄之詩歌不無峭厲恣肆之言要歸諸  
云於詩鑽掣深至從我以兩馬載書手不釋卷

雪後劉謙山孝廉有光羅寶樹明經森趙潛溪孝廉

運煌

各示近作卽事奉訓二首

孤衾如鐵斷歸夢日上疏林聞遠鐘  
顛風半夜嘯飢虎積雪一峯騰  
白龍沽酒不知何處好尋梅又負  
今年冬憂來思鄉共西望灘水百重  
山萬重

江東駿邁文房穩好古吾宗爭激昂  
各踞騷壇解茅土平分酒國鬥壺觴  
今我不樂歲云暮來日大難天各方  
要寫

以事言  
新篇付兒輩他年吟諷念清狂

書事

戈壁沙能走陰山草不春西戎雄別部北極界強鄰雪湧  
長鯨浪風馳萬馬塵獨深先事慮真念老成人

微爾四君子誰當曳落河廟堂宏納誨草野罷悲歌元舅  
無將黜奇男作健多從來馭驕虜不戰漫言和

幕府推吳玠中樞召李綱人心真可恃兵氣已先揚突騎  
金銜勒前行缺稱襜徑須煩尺組面縛左賢王

直擬奉心肝書生報國難煙塵十年夢風雪一氈寒下馬  
中軍檄非熊大將壇無因飛食肉搔首涕洟瀾

讀邸鈔書感

居延城外又尋盟謀國幡幡盡老臣後日恐無臺避債古

來宵有幣銷兵陰符鐙下空三絕寶劍牀頭偶一鳴想勒  
燕然千丈石閉門閒殺棄繻生

來庭西賈復南琛 十廟垂衣德澤深已喜潢池平赭寇  
尙勞甌脫輦黃金杞人漫灑憂天淚志士同堅蹈海心會  
見 威靈張撻伐呼韓頡利總成禽

壬午九日借王豹君貢士

人文

潤泉孝廉李淮山別

駕 毓恪

姨姪何淪生

祖堯

昆季集晴川閣有作

大別山頭暮靄橫晴川閣外夕陽明朝宗江漢雙流合懷  
古登臨百感生得水蛟龍空往事芳洲鸚武惜才名仙人  
不管滄桑劫隔渚惟聞玉篴聲

楓葉殷紅菊蕊黃天公作意媚重陽喜無風雨妨佳節况  
有朋儕盡故鄉痛飲且拚今日醉放歌聊發少年狂惟應

兄弟茱萸會話到離人一斷腸

越南三宣提督劉淵亨鎮軍永福寄扇索詩

日南之邦古獻雉 聖代綏藩同一視  
島夷狡爾思啟疆 塘突籬籬竄蛇豕  
黑雲壓陣鴉軍來 喋血斑斑戰袍紫  
視師傳檄氣噴薄 鬼膽先寒鬼魄褫  
我不識君作何狀 心知自是奇男子  
廟堂柔遠翼德化 百年槃敦要難恃  
木蘭回憶鼎湖痛中外 臣民切深恥  
君才傑出正有感 恩況復懷桑梓願  
君抑塞持定力 堅抱葵心貫終始  
指揮白羽掃邊氛 他日書名壓青史

聞法夷奪踞臺灣雞籠礮臺感憤有作

象郡正愁甌脫壞雞籠又失礮臺  
高射潮往事空強弩橫海威名盼大刀

劉提軍銘傳督辦臺防

和戰廟堂方水火悲歌天地

盡風濤棄縹緲請劍都無分落日登樓首重搔

丙戌落第將歸小集龍樹寺贈吳刻其同年

式鈞并

東朱經田

家寶

王豹君

人文

十年坎壈士不進一夜新霜上青鬢我安瓠落固其宜子  
困箕張詎非命風雲莽蕩來皇都賃屋就子城中居王  
郎對榻喜繼至朱生踏月時相呼狂飈無那吹花落人海  
中邊無處著蒹葭搖綠西山青祇有此間晚空闊用才之  
地才不施酒闌忽動江湖思湘清漢碧匯雲夢演漾屈宋  
煩冤詞送子遄歸吾亦逝頗念朱王暫留滯兩別風流自  
古今蠖屈龍伸付天地于思棄甲儻復來媿子巧語相嘲  
誒夢中蟻國不易到一醉且枕南柯槐

五月望日自津門航海達滬上寄懷經田豹君

衣上緇塵又去燕析津來上火輪船垂楊幾日纒絲老大  
月連宵碾鏡圓萬怪魚龍如此水一家胡越奈何天風濤  
飽試先生膽不復掀翻損食眠

北望京華念故人朱王才調并峻峭剖符此去神明宰珥  
筆何時侍從臣可耐隨班投手版劇憐借計困頭巾劬書  
強飯相珍重愛惜榮名愛惜身

情深臨別轉無辭此語何堪我讀之白酒澆愁非易事青  
衫搵淚已多時縱饒鼎鼎公卿貴鎮惜堂堂歲月馳他日  
蒹葭篔上醉伊人宛在可相思

熱場冷坐我猶能難得論心贖友朋失水窮魚相煦沫行  
空天馬待超騰故山苛政平林火客邸風懷古井冰無限  
牢愁書拉雜半江翦得寄溪藤

繆荃孫字筱珊江蘇江陰人光緒丙子翰林現官學部  
候補參議有執風堂詩文集

答樊山次原韻二首

朗朗丰神似泰初豈徒文筆壓王盧循聲在昔先分陝福  
曜於今甫入吳執掌風塵憂社稷胥疏魂夢戀江湖南中  
蒿目皆凋瘵爲問夷吾有術無

早歲辭官赴遂初歸田風味笑胡盧傾杯蝨釀難忘越入  
饌鱸羹不改吳負笈未能趨渤海題襟聊且續于湖乘車  
戴笠前盟在許我看山一事無

喜雨用秋帆制府集中喜雨詩韻呈陶帥

朝野方憂旱象深竭誠牲玉禱桑林輿情翹望豐年穀天  
意難忘夏日陰一自馨香通帝座頓教膏澤慰民心江東



今日眞凋瘵活我先規傳說霖

三更夢醒雨聲深滿院蕭疏梧竹林大地關河收燥氣四  
郊禾麥喜新陰澤民久錫蒼生福愛國微窺造物心寄  
語乖龍須努力從今次第播甘霖

送寶華尙書之直督任

三年旌節駐江干奮武揆文心力殫土物方徵千里外時  
開勸除書忽下五雲端北門鎖鑰思裴度江左衣冠戀謝  
安一曲驪歌聽不得要區深慮替人難

瀛海歸來佐廟謨私衷強欲補東隅與民同樂營靈囿  
縮地如仙闕大塗無米能炊眞巧婦有書卽讀亦癯儒南  
箕貝錦空嘲哂俗見何時一洗無

萬千廣廈庇孤寒寶華奩開缺罷彈申紙打碑搜異域純

書捧硯盡材官觥籌酒底言辭雜談笑鉛前禮數寬豪雋  
瀾縉猶未已不知斗轉夜將闌

山光江氣座中分別緒豪情總不羣簪筆方慙東閣客趨  
朝終愧北山文敢希劉向編經籍聊學陳農訪典墳七十  
二沽秋水碧重依檠戟挹清芬

次陳伯嚴和樊山詩韻

詩壇高聳寒雲層希仙希聖非吟僧閉門高卧陳無已得  
句若有鬼神憑黃芽已悟無生訣白足先證最上乘神妙  
欲逐曹霸馬搏鷲不數支公鷹鷓鴣先生海上至珠光的  
礫劍氣騰叩關握手道氣凝訪尋積玉朝羽陵同車徑入  
故侯第恍似北秀朝南能是時天寒雨微溼蕭蕭槭槭梧  
竹藤曲徑三弓洗新盞小池一勺涵清冰主人哦詩如入

定大聲撼壁猶不鷹兩雄相當不相下欲別瑜亮誰克勝  
珍弁不殊垂棘璧鈔讀惜少宣州綾掉臂仍回海東去如  
鳥離繳魚脫罾守我正音羞俶詭何事抵玉兼裂繪西江  
詩派足萬古大千世界明元鑑

和夏午詒元韻卽送之官京師

聖道榛蕪徑迷昉誰欺樹幟標軒爽海底珊瑚十二重欲  
采精鏐糅作網夏君矯矯人中龍久官詞苑圖書掌投我  
新詩珠玉光鐘鼓轉令爰居饗走也生平酷嗜書夢中猶  
作瑯環想敢儕劉向充校讐差比陳農勤采訪漢碑

石唐經

卷久流傳宋槧元鈔供鑒賞廣招潢匠善裝治亦有寫官  
工造做自從島國求遺書拚擲紫標并黃榜爾宋珍籍無  
一存可惜明珠棄艸莽八千卷樓亦傾側扶持惟有神君

仗載歸江左惠士林功與會胡相下上好古新貽石室編

羅叔蘊新寄沙州石室遺文

殘年權作書城長欲從鄭許追聖道說到

乾嘉每神往歸去猶虞玉宇寒景行不啻高山仰羨君先  
返海王村開卷能令眼界廣

### 苦熱行

雨聲而月愁淋浪忽然天畔陽烏翔炎官當空火傘張赫  
赫大地難遁藏科頭赤足身徜徉白汗猶滴珍珠漿融風  
撲人如沸湯炙手可畏席與牀趙盾獨坐中書堂牛毛法  
令推商鞅來周侯索相頡頏酷吏之酷殊難當炎威迫我  
心傍徨肌膚薰灼面目冠欲贖聖散無清涼並少琅玕青  
竹房鏤金裂石書冊詳我欲去之逃何方礮車雲黑推阿  
香微雨不敵西風狂但望年豐庶事康我雖觸熱殊無妨

題陳檢討洗桐圖爲冒鈍宦題

填詞圖與散花圖老輩題評卷軸粗涼翠一庭清似水洗  
桐忽又仿倪迂

露頂掀髯坐石稜雙僮了髻髮鬕髻紫雲別去楊枝老清  
夜何人伴一鐙

文人盛事慕詞科蠻語翻爲秀鐵呵如此魁能好才調不  
教簪筆侍鑾坡

水繪名園今尙存琳琅寶墨重清門可憐遺翰無尋處我

亦東林後代孫先文貞公遺集刻於常州先哲遺書會輯拾遺一卷沈子封學使藏手札一通願以

衍石先生滙存天中朋舊詩札手卷易之而子封尙未沈諾

劉曾驥字驥臣河南祥符人光緒丙子進士官山東鄒

城縣知縣有夢園詩集十六卷

自丁卯迄庚寅之作

擬杜工部八月十五夜月原韻

萬里長征戰年年血洗刀不堪夔府客又見月輪高家室  
悲天末星霜感鬢毛乾坤同一醉秋氣逼吟毫

落木黃牛峽敲碓白帝城魚龍秋寂寞星斗夜空明壯士  
河曾挽雄心海欲傾願隨天上月常照塞邊營

丙子登第筮仕山左紀

恩四首錄一

春官屢上不辭煩一第鴻毛劇苦辛敢說文章原有價須  
知微倖亦猶人種槐王旦門庭大畫荻歐陽訓誨諄無奈  
雙親先棄養宮袍簇簇爲誰新

老將行示門人法小山孝廉

偉堂

少年結髮事炎漢，仰射天狼控羽箭。孫吳兵書填滿胸，身  
經大小七十戰。陰山夜雪望烽火，朔風吹甲凍金鎖。雲臺  
不紀馬援功，麟閣翻屈孫吳坐。棄置窮邊乘一障，白髮飄  
蕭氣昂藏。刮目馮唐論將才，傷心李廣封侯相。大府吹角  
秋巡邊，袴鞬昧首羅馬前。葫蘆長柄風塵地，薏苡明珠瘴  
癘天。昨夜捷書傳未央，偏裨部曲報封王。擁騶年華人寂  
寂，種菜歲月去堂堂。醞酒臨風興轉豪，呼兒檢點舊弓刀。  
將門有將臣，將種鴻鵠摩雲盤。九霄

時孝廉門人陳  
生冕授殿撰

僑寓明湖北極閣湖山極勝雜詩四首

萬綠抱滌洞，中有北極閣。湖山羅目前，一覽無邊闊。朝暾  
共雲昇，暮鳥隨霞落。時有松濤聲，夜靜風浪作。蓮花紅白  
開，露珠滾的。礫霧重水混，滄雨多山洗濯。相對酒滿尊，聊

慰謫居樂

余愛汗漫遊一擲入世網蹉跎近十年風塵恣擾攘夏日  
巡郊原策馬數來往赤緞不遮日汗珠溼鞞鞅抑豈獨賢  
勞王事或鞅掌何似今日閒湖山清供養北窗鼓琵琶天  
際眞人想

北渚有草亭杜陵杳何許任城問酒樓太白忽已古眷屬時寓

任城欲去復徘徊欲留且延伫偷得一日閒來作湖山主惜  
無長文章光芒萬丈吐詩已遜甫白道况變齊魯三復仲

宣詞信美非吾土

巍巍梁王臺彌望隔千里風雨有做廬詎誇田園美藏書  
雖不多縹緗盈萬紙對之開笑顏剛柔判經史名山自千  
秋據席誰奪此何爲雞鶩爭腐鼠汗顏泚設設清風來湖



山神莫訾

十二月六日留鬚

眼中中樞耻爲徒七尺昂藏偉丈夫况有黃金高北斗更  
當白傅在西湖童童温樹媪能相磔磔凌烟髯是奴何似  
詩壇稱老輩數莖一字且拈鬚

皇帝親政恭紀

四首錄三

冠佩擁 金鑿朝儀肅大觀 君門瞻萬里仙仗引干官  
龍座牀黃帕釐燈海紫瀾元宵騰鼓樂繚繞五雲端

世祖垂裳日 仁皇負屐年冲齡 成踐阼大壽 舜培

天花甲延鴻算樞辰仰象賢開疆兼撥奮想見 廟謨全

籌畫和戎策諸蕃禮數叨八荒通晉楚四輔邁夔臬柳雪

龍持節桑陰豹韞韜遙知諸將相不使 聖躬勞

顧家相字輔卿浙江會稽人光緒丙子進士現官河南  
彰德府知府

和陳驛卿觀簪

重慶

見贈之作卽步原韻

涼秋露浥淇園竹萬戶砧聲敲陸績匡居懷舊發幽情干  
里神馳曲江曲元龍豪氣聳庸奴家學淵源富五車繪事  
欲窮摩詰妙操觚逼肖歐虞書一朝入幕秉衡鑑精心濁  
水求遺珠河汾徧歷拔英俊卓哉大雅輪能扶自是君身  
有仙骨敢以螢光爭皎日偶因作客滯并門也侍星軺同  
橐筆把酒頻論太白文談經每讓戴憑席相將燕市踏槐  
黃鹿鳴共賦萃蒿食旋欣成式再聯鑣豈料劉蕡得復失  
升沈久速誠難定東山歸後鴻飛詠君自還轅暫息阪我  
卻登場倣優孟姓字俄傳列剡章聲華遠播昭萍鄉泰山

之雲漢陽樹驄輿牙節跛予望

余作令萍鄉有楚昭王遺蹟故亦稱昭萍君以觀管

使筮仕山東湖北余雖久疏書牘而每閱邸抄必留意故皆知之

困守孤城甘效死餘生

幸未羞知已鑿險絕幽付磧人砥平矢直歌君子白簡偏

褫彭澤官抗章頓雪邱明恥典郡叨承漢詔丹巖置遙接

函關紫

王辰歲會匪借亂余誓與城共存亡竟得無恙戊戌以後開辦機器煤礦創修鐵路羣疑眾難幸告

成功乃反遭參劾褫職賴南皮相國督兩江會同柯遜庵中丞爲之昭雪癸卯引見蒙恩以知府分發來汴得

補今一紙書來天際鴻家禮驚聞學晦翁林宗赴唁阻行

迹皋魚飲泣悲淒風陰陽昏曉互旋轉仁看復旦扶遠東

方今物競正劇烈能造時勢惟英雄尊王強種保國粹五

洲軌轍遵大同鯁生附驥亦榮顯交游光寵增融融裁成

尺素長相憶願續古懽追夙音會當理筆待書勲爲君銘

勒燕然石

李瀚昌字石貞湖南甯鄉人光緒丙子舉人官河南候

補知府有顛顛室詩文集

陸鳳石相國序云余丙子典試湖南得臨湘吳生

與李生瀚昌均負軼才至戊申余掌銓衡李生以知府除放得觀詩稿五言則力追曹謝七言則模範杜韓義正而詞溫蓋其格韻亦已高矣黃運藩云石貞之學自陸王參合程朱詩亦祇少陵而躋風雅

哭故湖南巡撫陳公寶箴

廬阜層雲擁節旄風吹珠玉落湘濤幾時梔附蘇沈痼一片椒蘭入楚騷自愧禰衡孤北海只今荀淑剩西豪鑿鐘斜抱悲無極壯士頭顱已二毛

古槐歎

有序

京師試院有古槐焉高十尋廣可畝許庚子之亂院燬槐幹斷甲辰之春試士河南余以二月二十有七日遊於舊院蓋瓦礫場矣古幹猶存丈餘由

藥叢萌目不忍觀詩以歎之

龍虎五采團幽燕老槐輪囷數百年風霜劫火經萬千鬼  
神所衛人不顛四人合抱不可連東鱗西爪虬蜿蜒繩墨  
不中腫且拳夸條千仞無比肩南柯之下蟻盤旋清者麟  
鳳濁貂蟬紅綾丹杏明花嚙往過來續如流川我皇開元  
歲再遷我始逐隊虱其間當年藥葉何肥鮮樓閣雲藻光  
聯翩乾坤日月今依然胡爲荒落如荒原觚稜金爵草中  
眠殘柯瓦礫相吐吞螻蟻宣驕萬孔穿夥頤蠻觸流蝸涎  
生機不斷仍叢駢由藥逡巡爲我妍我聞散木能衛眞匠  
石忽顧胡樵斤豐梓朱絲怒特犇洛梨殷血濯龍濺騎卒  
墮地強主瘖嗟爾有神何其辱袞袞諸公幾輩賢一任銅  
駝委荒煙道旁小兒拋苔甌笑我無事叢憂煎側身據槁

瞻蒼天

聞芷蓀侍御直諫被放

寥天飛雁過汀洲北望關河氣欲秋  
麻壞陽城驚吏部燈殘元稹憶江州  
殊方日黯飢甌歎故國雲連畫鷁浮  
香草美人無限好涼颺蕭瑟動沙鷗

喜聞芝蓀復官

埋輪當道記前聞衡嶽巖巖乍見君  
縱使浮雲蒙白日轉看折檻表朱雲  
九霄露下秋林木萬國人傳鳳篆文  
豈獨斷金思舊好呼童煮酒醉朝曛

書劉黑旂越南戰略後

黃龍欲飲遽班師萬古英雄淚落時  
銅面銀泥成畫餅蠻風瘴雨剝殘碑  
雲頭亂颭窗前日春色徐窺凍後枝  
底事

千金求駿骨鹽車老驥問誰知

鄒君輅見示何廣文許樓壽蘇圖因題其後許樓者  
許劭故宅也

大宋昔蠅塘斯人迺僭耳僭耳未爲陋蠅塘伊胡底流眈  
旣陳圖新法尙增美徇好違宿心時榮沒則已菀彼歲寒  
松冽彼下泉水范滂公夙爲伯夷風今起雲霧不改天關  
翕儻泰否緬邈觀古今魚然但波靡旣咲安石劫又晒章  
蔡詭洛黨亦以融觥籌汝南始問年豈錢鏗陳經似庚子  
嗟我來何暮霜兼隔坻汜鄒陽客梁園示我一端綺展睇  
歌且謠資之永仰止當時亦滔滔月旦乏許氏擇執蓋有  
定文章猶餘技

梁鼎芬字節庵號星海廣東南海人光緒庚辰翰林官

至湖北按察使有節庵詩稿

詩中評語均陳吏部三立所識

訪潘孺老雷瓊館有贈

雪殘萬念入支頤羈羽沈鱗共一時瘦固勝肥誰則覺生  
何如死世還疑棋當危局須心力花到良辰已鬢絲每恨  
古人吾不見埽除獨見閉門時

起結皆超夷棋當句稍淺

游龍文故園追悼遂與表弟鳳鏞別

鹿已添雛竹有孫重經華屋愴生存清光猶見當年月芳  
意曾題半畝園遺器東廂吾忍覲明珠南越世方喧射雕  
身手湮沈早不縛天驕大此門

聲情  
懣鬱

蒼莽兵塵一局棋淒涼舊館兩孤兒剖肝自見原非福唾  
面能乾恐太卑風雨獨存蘭杜性江湖多負鳳鸞期短衣



犯雪明朝別不到津橋聽子規

題翟鹽法廷韶快園圖

舅氏後先登玉堂

謂蘭軒五舅室子十六舅也

兄取二士翟與張

君與幼樵

學士同庚午順天榜均五舅所薦

簣齋習儒未習戰一旦消搖居洞房君

家忠宣我所敬皦皦大節垂吾鄉小東臬宅委荒梗遺書

經亂復散亡賢孫喬緝官舍暇遺烈往往吹園芳園中何

有有圖史亦有翠柏三兩行廡回楯接最妍穩鶯初雁晚

都閒長爭墩君笑荆公拘題閣我步涪翁狂紛紛畫史所

不到酒酣弄筆驚何郎

維

撲高樓花氣圍尺地落霞江影明

千艘平生浩蕩白鷗意不覺魂夢飄湖湘外家松廬早太

息況有玉樹埋雙雙士信知己無不報成材要到樅枿強

秦青已去曲不去歸語鄭子談經窗

愚齊十六舅所取士今同作十桂堂客

柳瘦綴癭巨螯行可持金菊散妍整傾觴以娛君未遑愁  
夜丙亮爲十日留固願不敢請相期崇德心勿忘隔路永  
王公定前輩示元日詩卽和其韻 四首錄三

北來六十日浩蕩及茲春重奉侏儒粟羞稱襤襪人青雲  
看鳥過白髮映花新拄腹無文字吾生算最貧

薄宦憐京國年年說酸春東風回幸草南食饜陳人酒客  
浮蛆少門生議螭新猶多鮭菜種莫道庾郎貧

江南佳麗地太守去班春孫趙談前輩龔黃復幾人吾儕  
不忘故世事日增新欲增繞朝策多慙一字貧

題張朗齋中丞賀蘭小獵圖

毅皇初政尙神武南定吳楚東青齊滇黔逋誅亦蕩殄淨  
洗兵甲安耕犁朔方健兒屢反覆關隴殺氣滋羌氏堅踞

寧夏作窟穴西征十載靡倉稊中丞張公誓滅賊力辦一  
旅殲鯨鯢鼓角奔騰暗雨雪旌旗慘澹干虹霓犁庭猛戩  
關虬虎士馬勇決爭驕嘶心識常勝不可狃防秋校獵驅  
千蹏射生志不在禽獸蒐簡卒乘防顛躋天山自昔限夷  
夏賀蘭卷石封丸泥近聞俄羅覬拓土耽視漸及高句驪  
瑄春銅柱亦爾爾尺地未許牽牛蹊法蘭頡利與犄角歐  
洲一矢誰先齎互市義亦羈勿絕備邊時論輕朱提樓船  
組練事創始橫海名號斜封題朝廷新有濮園戚蕩寇之  
望于公俟將星迭隕楚材盡養土險不資山雞安得邦伯  
如公輩鞭撻服猛如犬雞古來在治不忘亂蒐苗獮狩禮  
可稽書生弓馬了未習垂白厭聽喧征鼙短衣且逐李廣  
去看射猛虎崆峒西

康 詠字步崖福建汀州人光緒壬午舉人官內閣中

書陳詩江介傳談錄云寶竹坡侍郎門下多當代豪

俊鄭蘇堪陳叔伊林琴南康步崖諸君尤著聲譽

康君爲人和雅靜穆爲詩恪守偶齋架燧

蓋親炙竹坡先生最久故其詩多神肖焉

送春

春果家何處頻年別我歸故人今落落相送亦依依日暖  
草爭長風顛花亂飛杜鵑聲又急惆悵立斜暉

戊戌感事

城上飢烏啄長安慘不春乾坤餘正氣風雨泣孤臣周勃  
應忠漢商鞅豈誤秦天涯聞見亂左袒竟何人

由汀往潮

東風吹宿草綠意滿汀洲故老纔歡會滄波更遠遊浮雲  
出孤岫暝色入扁舟莫近桃花岸閨人正倚樓

採蓮曲

儂如池上蓮，郎似蓮中子。  
風吹蓮不開，裏子入心裏。

經義園

落落原頭草，悠悠地下心。  
夜闌山鬼哭，猶作故鄉音。

春日閒居

靜坐消百慮，庭花媚幽曠。  
春風到階除，草色忽然綠。  
烹茶汲清泉，詩腸浣塵俗。  
笑渠白雲忙，來往青山曲。

哭壽伯茆

生才非偶然，一死何容易。  
君抱楨幹姿，摧折豈天意。  
天子方西巡，收圍甯非事。  
胡甘殉溝瀆，不爲中興地。  
哀哀北邙路，回首應自對。  
痛予千里遙，不獲臨哀次。  
尊酒聊奠君，中有故人淚。

朱銘盤字曼君江蘇泰興人光緒壬午舉人有桂之幸

軒集四卷

張季直跋撰譽爲之校刊列入存舊集之一

自蓬萊至福山道中作

村路含朝氣陰霾喜暫晴瘴雲兼海墨遠雪借松明不比  
從田相還聞召董生蒼茫向來意爾我若爲情

野店哺停食飯羹何太麤因知民氣瘠終喜霸風殊敵愾  
嶻嶭無意連城勢豈孤徒聞倚兵力高壘列蜚弧

西虜驚宮闕 文宗御代辰坤輿萬國定 今上十年春

體大輕戎略時平息將臣要知明聖意豈獨在寧人

水落冰橫岸隄傾路轉溪村翁坐弄天稚女晚呼雞行客  
空相羨歸雲望更迷翻思戍邊卒風雪玉關西

消息

北來消息說休兵  
夜祝城頭太白明  
豈惜黃金窮內庫  
願聞丹詔慰蒼生  
天南海瘴雲方動  
關隴春回月暫清  
喜極恩言召方叔  
不應殿上叱橫行

登州

登州寡田地業漁當農  
功小舟不及丈出入驚濤中  
船頭蓬髮兒船尾白首翁  
赤日更不畏項背成烏銅  
波浪少人理呼吸騰雷風  
往往萬斛舟一觸沈蛟宮  
招魂哭中野淚竭天帝聳  
吁嗟生活難有若趨火蟲  
到此固已極豈復更可窮  
去年詔防海募卒黃腫東  
此曹頗亦至謂當口食豐  
錢幾爾都督軀大心愴蒙  
日啖富羊酒不令汝腹充  
日暮天地閉昏鴉滿高空  
此輩實氣數雷霆無由攻  
徒倚俯高楹願望山  
神神對此發三歎無劍登空同

邱將軍大刀歌

有引

將軍名尊謙沛人數從淮軍破賊多大功余與共  
在府主吳公軍中觀其刀誠雄壯莫二今將軍死  
矣感事懷舊爲賦此詩

將軍大刀不可視七尺練光拓秋水一生斫得幾頭顱無  
數血花大如指沛中豪傑由來奇將軍所向風草披爲言  
此刀初買日背有數字鏹去之我思前人鑄此鉄爐火深  
青慘不熱霜鋒鍛出千人呼殺氣淬成萬鬼咽將軍得此  
氣益壯突騎軍中取上將于今老死芒碭間我說此刀意  
悽愴將軍愛我如弟昆幾年同客信陵門寧知過墓千行  
淚不及當時一酒罇憤來欲擲寶刀破如此奇功亦無那  
不然便與耕田夫夜夜五更斬芻莖



贈王伯恭

隋唐以來高句驪士馬強富雄東陲李氏有國五百載爾  
來文弱空支持去年兵變燒公室千乘播越藏野茨王師  
一到畔者得入道胥荷 皇天慈 天朝宰相宣 帝化  
新政徐徐規畫之日美曰德曰英法惟王一一相摹規效  
此則強不者弱惟王奉行無紆遲釜山雜島如奕棋仁川  
之水清不滋水深土厚產金鍊羣賈萬里來覘窺嗚呼聖  
王御天下地力不盡守四夷此論迂闊有何用豎儒妄語  
罪當笞王生經歲來此國英聲卓犖賢王咨隆以客卿管  
樞要安置妥貼平不陂天子之吏仕藩國古有此法無可  
疑我從府主僦幕下牋牘罕簡多寤期時時從生一言笑  
詩篇酒盞聊娛嬉秋風西來送寒色千山萬壑絨毛皮此

時有酒不須醉仰視天月摩頸頤 祖宗手定三藩國中  
山越南高句驪中山已去不可返越南岌岌纍卵危安得  
天下嚴口禁秘密不遺句驪知

留別朝鮮士大夫

漢陽城闕激清笳英蕩乘邊久繫查暫許君房罷遠郡終  
防離結苦長沙島人殘落回兵氣虎士新霜拂劍花私憶  
西山好昆季傷心衛貢獨咨嗟

九州一道海波通風什依稀長邨鄜兩境姬熊商玉帛十  
朝寬輅視禽封漫疑商奄非東土終慮吳牢責上供努力  
耆臣謀國是未應衆口賦蒙茸

驟聞龍節返中原祖駮干官咽國門幕府清宵殘蠟炬邦  
人招宴有金罇兼旬病溼甘餐蕙中歲離憂欲采蓀料信

客裝虛縞帶小時微響亦慙論

贈黃叔庸

倦拂句驪馬上雲今來當酒易成醺蒼蒼極目惟寒色往  
往清言到夜分叔父方爲少司馬 詔書聽起越南軍扶  
風暫得論經暇矯首南荒不可云

我家江委海之門君縣甌王昔所屯澤國幾城絕峯火野  
人何屋長雞豚鼓山落木懸清籟楚水秋瀾想涕痕見說  
虎文尙書節已驚蠕動月氐魂

三十同爲黑髻時更堪早歲並孤兒安知眼際人如海一  
讀君文淚過頤兵法豈聞賢馬服孝經坐欲惜顏推陶山  
自古移家域去問通明試一窺

許淮祥

原名誦禾

字子頌浙江海甯人光緒乙酉舉人官江

蘇知縣有狷竇詩錄

王寅攝昭文篆除莠安良吾邑

政一如吾邑忤上官意旨被劾王孝廉世忠贈行詩

云隻履偏教來已暮片帆終覺去無名詩皆近體

俞曲園師稱其悲秋八首紀事八首意思蘇邈

寄託遙深有屈子行吟之思無王耶秣地之態

八月赴岑雲帥同年之召居未久以病歸口占二律

節鉞巖壘莫府開徵書下問策駑駘焦桐入聽留餘響朽

木難雕終棄材兩世傳家軍旅事八州都督治平才祝公

掃蕩烽煙淨磨閣書勛位上台

飄零書劍到羊城知己相逢一笑迎地有小園聊託足花

多異種不知名桑榆遲暮心原壯橘柚踰淮病遂生畢竟

吾衰難世用諸君努力奮昇平

悲秋

八首錄四

愁霖三日夜連朝寒士悲秋更不聊  
香稻作花防雨損木棉結子忌風飄  
天增歲月誰能奪人到貧窮轉可驕  
傲骨嶮嶮頭愈白吹來吳市一枝簫

故舊凋零宿草悲他鄉萍水盡新知  
文章共賞遊山賦道義相規勵志詩  
不信斯人皆廢鼎始知此局是危基  
賢良太守循良令割席同堂悔已遲

漫言原壤是前身

古通真

老病侵尋氣尙存面目可憎雞舞

鏡越起難進鶴乘軒豈真松菊名心澹祇爲桑榆暮齒尊  
冶葉倡條猶不少家園春色更消魂

秋冷先知是瘦人

用成句

又添白髮幾莖新老年憂患常多

病廉吏兒孫久慣貧一著輸碁原小劫六州聚鐵亦前因  
近來煩惱知多少祇有吟詩可養身

吳慶坻字子脩浙江錢塘人光緒丙戌翰林由編脩厓

官至湖南提學使有補松廬詩錄六卷自序云少小學爲詩先大

父詔之曰詩無苟作非讀書多積理足莫能爲也四十後官京師五十後入蜀人滇再入湘友朋酬答所作漸夥材力既弱老至而學不進長沙王祭酒師婁縣楊丈葆光膠州柯同年劭恣迭爲點勘藏之篋衍今年將去長沙僚友索詩付印迺重加刪薙編爲六卷生平蹤跡聊藉省記他日覆瓿固其宜耳時至今日文詞之美幾不足道矧并文詞之美而未能者耶宣統三年四月

題陸吾山觀察文詩集卽送之官浙江用集中和奉

新許中丞詩韻

秦中久旱成巨災有 詔賑撫資羣材東南轉粟數百萬

兩宮鑾輅方西來我從蜀道赴 行在直廬髣髴依宮

槐論都紛紛畫形勢奏賦不用馬與枚承天門東訪公宅

須廉蒼老顏童孩自言緇塵厭京雜掉頭不顧時賢哈豈

意天驕犯宮闕杜陵冬狩詞何哀廟堂蠲沸恣搏噬草澤  
狙伏生雄猜關中溝瘠况滿眼良疇萬頃成汙萊 帝選  
賢良重轉漕 命治浙漕女往哉 神倉告匱飛輓急駢  
征奚恤我馬虺我爲部民有私幸鄉樹南望秋顏開回瞻  
佳氣擁三輔終南鬱鬱歌條梅占豐會見歲星朗豚蹄之  
祝奚嘲諷中興羣輔待方召勿令壯志同寒灰

吾山丈示留別詩用元韻奉答

翀霄一鶴倦飛還豈意趨迎豹尾間永夜明河瞻北極深  
春 行殿對南山 君恩未許初衣遂民食還愁轉粟艱  
報 國心長須健飯憂時切莫損朱顏

北征心事杜陵同孤憤長懷欵欵忠一舸泛湖慙范蠡五  
噫過關感梁鴻興元 詔下人心奮慶厓詩陳 帝座通

何日長歌洗兵馬，觚棱回首暮雲中。

奉 命典試雲南留別政垣諸公

華髮年來已滿簪，豈期乘傳采南琛。十科取士頒新令，六詔宣風有嗣音。芻狗醯雞笑文字，蠻花犴烏付謳吟。朋友漫爲勞人惜，老鶴猶懷萬里心。

順德行館遇樊山前輩以詩見投依韻奉答

鋒車入覲繡衣華，到處籠詩費壁紗。夜看盧溝三五月，春留韋曲萬千花。傷禾碩鼠悲猶昔，脫網冤禽望正賒。公入邇英，勇奏切首將民隱，達官家。

辦嚴草草出東華，塵沓征袍疊雪紗。已倦舞腰同驛柳，重揩老眼看蠻花。日邊赤緊雄封舊，雲外牂柯驛路賒。自笑津梁疲久矣，總宜船上願浮家。



甲辰仲冬賦呈葵園師五古三章

時余謝病將歸師賜詩以寵行

大道委榛莽率土無夷庚羣邪狎白日中熿沸颺颺天步  
丁艱難幹國求良楨外諮五洲俗上契三代程講舍盛興  
作條教一再更堂堂大國楚匪獨文儒鳴緬維咸同間龜  
難多書生流風篤忠悱餘芳扇淵蘅如何蘭漸滌異說恣  
縱橫亂苗必惡莠誰爲折其萌賤子忝持節擲埴嗟冥行  
握樞在宗聖致用先窮經畔道文必黜析疑經始明但嚴  
涇渭別無召水火爭錢朱企曩軌歷久垂芳聲材薄媿弗  
任持祿常屏營

並世有碩儒方雅鎮流俗幸厠籍湜倫韓門仰培沃睽離  
過甘稔失喜訪靈麓拙工倚大匠爨栝到曲木奉手請舊  
業蒿目悼危局俛仰身世感愀焉軫心曲小子有狂言慙

效忠告古稱不朽三造物靳庸福南菁經解編東華史  
歲錄傳諷徧海內學子句膏馥投簪味道腴勸學資先覺  
甄文重流別姚李踵芳躅孔傳刊僞文班書證疑讀退哉  
千禩業悉數屢更僕葵心傾太陽匪曰智衛足公當勉加  
飯弟子行抱蜀

少小苦羸疾中歲疾良已西南馳王程江山壯玉壘意氣  
高岷嶓險阻窮筌徒期搜蜀才彥持以獻 天子適遘庚  
辛交冬狩紀詩史衝寒赴 行在伏闕淚盈背明年還京  
師倬直近 丹屣草奏引古誼論迂駮俗耳往歲乘滇轡  
暑雨涉萬里津梁行告疲占爻得艮趾何圖被 恩命沿  
漚下沅澧歲晚暫投裝百懼而一喜喜者親丈席譚經竟  
源委懼者臣精亡無繇振積靡廛沒方期歲甄校無隙晷

遽遭病魔侮眩不可止引疾幸得請感極轉汗泚豈不  
隘芳華升庭采蘭芷上負吾師期下負橫舍士贈言意深  
厚三復重嘘唏 朝廷納羣策下士有葑菲安得一蹇謬  
靖彼萬譎詭敵廬有孤松貞幹無曲理蘄保歲寒心明朔  
指江水

別政垣同僚諸公

左掖趨曹兩度春慚無青瑣讜言陳才名同輩翰終賈治  
術今時薄筦荀天上鵷鸞仙侶隔禁中槐柳物華新舉藪  
覽茝無窮意遲暮何勞惜美人

幼枝徧采大瀛東願啟文明日再中勸學科條擬貞觀設  
官規制改元豐夢痕長繞觚稜月詩思催乘舸趁風忠信  
涉波吾敢許艱難宏濟仗羣公

讀琴志寄弟詩有感和韻述懷

萬事怕回首一言真痛心冊年如轉燭六載兩亡琴急難  
鵠原阻遲回雁字沈逝將眠共被無復涕霑襟

二月二十九日大雨和琴志樓作

自出蜀山更無雨千里焦原奈何許土室十九不見入存  
者枯荻掘泥煮入鳳縣以東所見如此關中八水半堙塞疏鑿功誰

繼神禹忍將人肉付烹醢但得胡餅換妻女近日所聞如此我如

太常長作齋愧無封事言咎災測候時驗風雨表愁卧不  
數時辰脾朝聞蒼鳩喚林陌莫看泥深沒馬迹一雨奏報  
四寸餘再雨霑濡過一尺天家蠲賑動千萬下戶困屢

獲三百不須顓乞 翠華駐、輦路新苗颺晴碧南山淨  
滌風霾昏歡聲雷動承天門近日賀雨等閒事讜議何人  
感至尊

三月朔獨遊八仙庵看花遇澗夫副都明日復雨用  
副都庵字韻柬實甫兼呈子備兄

蕭晨散髻復斜簪屋角雲低手可探喜雨篇曾題玉楮前

夏成都不雨余用岳倦翁玉楮集喜雨  
篇韻徧乞同人和之詩成而雨適至炎風詩尙憶圭庵

子儁兄有炎風詩壬午歲  
涼師苦旱感事之作也樂游原上千疇活豐潤陂前萬

樹酣花事漸闌農事亟稍寬輸輓到東南

兩君方辦  
轉運事

和琴志

雲外匡君宅山中梁父吟娛親得高寄 報國矢初心厝  
火顛危局虛車著作林此邦關學盛誰與振元音

宋滋蘭字佩之福建政和人光緒丙戌翰林官編修有

後庵居士詩鈔

閩省詩人於同光間多學黃莘田一派惟君別唱宗風一新旂鼓孫子授

侍郎論經至加獎許與弟象之同成進士有二宋之目後以目疾歸里掌教松溪東皋書院成就甚眾臺變初起唐巡撫景崧爲君之故人欲往助之未成行疽發背卒時年四十有二

哀井水爲某烈女作

蔦蘿與松柏宛轉生同處松柏歲月高不爲蔦蘿附無附  
將奈何憔悴委中路憶昔垂髫時同下讀書帷信手弄筆  
硯兩小無猜疑朝看列女傳夜誦周南詩願言奉箕帚未  
免兒女私妾擬比翼烏君指連理枝兩心如一心心心誓  
不欺妾年日以長君亦從此辭君雖從此辭鴛鴦合有時  
誰使鳩媒來巧舌扇簧詞黃金誰不羨傾城誰不思前言  
竟流水妾棄長如遺君如二月花時來自開落妾如三月

蠶絲多祇自縛可惜郎情深不敵妾命薄命薄將何尤  
轉雙淚流青鏡暗不明何心上妝樓妝樓明月光照見古  
井水井水無波瀾一死報君子

獨往

躁人殉衆慮靜者多遠心無事縱所往遂入松杉林白日  
照苔石古木何陰陰葉深扶鹿跡風沈緩鳥音靜觀得所  
愜整襟彈素琴迴望白雲散山色蒼然深

定州攬勝樓步梁杭叔

于潤

題壁韻呈孫子授師

詩

經 並示同舍諸君

四首

輕肥應讓五陵豪自向壚頭日飲醪人海藏身誰隻眼侯  
門懷刺久生毛禮堂書許王基受幕府才慙阮瑀高喜是  
吟鞭隨處執佐公巨筆瀉奔瀾

萬里登臨膽氣豪倚樓人當醉芳醪晴天影遠雕盤勢秋  
塞寒深雁落毛往事已隨流水去恒山猶擁亂雲高卻憐  
昨日開元塔獨倚長風聽響濤塔爲宋時所建高插雲霄  
諸友不敢登余獨造其巔

觀望久之

出關便覺氣雄豪

時先試宣化  
出居庸關

助我詩情有濁醪已見六

經人盡醉那教三輔盜如毛開門底遣諸夷入

近年居庸  
關許洋人

出入入關時洋商駝  
馬絡繹不絕可慨也

謀國誰爭一著高我欲延津覓雙劍

乘風滄海定鯨濤

同舍鄒枚一代豪由來名士似名醪飲從北海傾肝膽病

過西風感鬢毛

余時  
抱恙

千里山河游未已一尊師友曲爭高

門前車馬催行客滿路寒生萬樹濤

陳西岑同年

志節

將之官瓊州賦詩留別率成長句



送之

長安門外西風多宦游直駕滄海波諸侯百里古所重陳  
君慷慨還悲歌一誦新歌一拍手陳君名占騷場久作賦  
滕王傑閣來讀書李白匡山後橐筆江湖走十年飛鳴便  
到大羅天君歸堂北傷慈母我亦池邊哭阿連傷心那作  
功名想三載還京已期爽張南周北幸同居作賦吟詩共  
欣賞宗派西江心所傾歐文黃筆氣縱橫誰識漢宮矜選  
色翻遣玉嬙出塞行長安故人爲君惜西清此才良不易  
豈知造物有深心文章報國嗟何益君不見粵瓊山閩臺  
灣孤島遙懸滄海間海上鯨鯢不足慮當爲我民求其艱  
前年我客赤嵌城履畝增賦方紛更宰官倘得陽城輩赤  
子詎弄潢池兵盜賊在門鬼入室孤島民心不可失古來

致用要通儒漢家論治尊經術陳君行矣毋流連海邦今  
假書生權治行他年報京國始知吾言不謬徵斯篇

懷唐維卿廉訪

木落西山蕩夕曛故人消息久無聞潮迴孤島魚翻浪風  
斷寒雲雁叫羣萬國衣冠來袞袞長安棋局自紛紛怨歌  
訪徧金臺路可有英雄似使君

鈴閣詞壇別一軍使君清德我曾薰書生面目英雄膽太

史風流吏部文

君初以庶常  
改吏部主事

憂國心腸原似火向人意氣

總如雲臺瀛嶂負重游約酒市經過只自醺

陶然亭

一角如眉又似鬢亭臺從此看西山人行遠水飛雅外詩  
在斜陽瘦柳間一座半多新識友十年非復舊時顏倚欄

試共盲僧語不是偷閒是破閒

宋滋著字彖之福建政和人光緒丙戌進士官刑部主

事有夫庵詩文集

九歲能文有神童之目十一補諸生十四登拔萃科爲濟甯孫文恪

所激賞詩文雄深雅健宗法唐賢尤深於經術不分漢宋有夫庵經說詩文集等均未刊通籍後卽逝

### 度仙霞嶺

勞勞車馬又西風尙隔鄉邦嶂幾重峻嶺客程飛鳥外夕陽人影亂山中雲霄絕頂仙祠古明月平分鎮壘雄道路卽今無寇盜重關寂寞蔓藤封

### 買花

愛花如愛色知名輒招致尤物情所移未惜千金貴新花負奇質入宮騁妍異人情每憐新一日數澆漑舊寵奪新愛多欲固多累坐使羣芳心一一含妬意無言背闌干如癡復如醉主人置尊酒爲爾開大義周南有樛木葛藟感

恩庇飛燕啄皇孫終然隕漢祀主人况多情新憐非舊棄  
不憶爾初至心力爲爾瘁百花似欲語含笑觸忿恚回首  
看新植開顏益明媚

哭馮弟婦

時綬之弟歸里甫十日

三歲爲人婦勞薪百事非長貧忘詬諍少病耻巫醫先後  
徒枯眼高堂枉濕衣斷機猶在壁不獨樂羊悲

悼殤

靈夢無端夜告凶朝來門左折桑弓

昔夜夢折中指

悲歡忽忽須

臾事生死勞勞十日中四海蒼黎皆赤子人生上壽亦殤

童惟憐萬里傳鴻雁猶問呱呱意不窮

昨日得佩兒都中札猶詢及之

采茶

明珠不救飢美玉不救寒如何采茶戶所顧在眼前敷雨

雷起蟄棋檜滿空山  
男子摘朝露女子尋  
少煙粗葉持作餅嫩  
葉持作團茶竈復茶  
磨色香味俱全賈胡  
從西來艤艫遙相連  
載彼阿芙蓉酬我三  
春勤豈知農事廢處  
處有荒田

遊烏石山戲呈耘青丈

窮年守故園名山入  
夢寐今茲客榕城又  
苦牽俗累咫尺鼓山  
地舟楫亦俱備臨行  
復不果山靈笑應啞  
降格思烏石近乃在  
城市屢約計始成坐  
使西風厲地主陳驚  
座同遊梅仙尉稍稍  
上平岡塵緣已吐棄  
賈勇出烏外平楚莽  
無際萬家一蟻蛭白  
塔雙針銳言登洞竇  
祠入門天花墜鐘磬  
落寒煙經聲出幽翠  
黃茗談仙踪蕭蕭世  
外致先正玉與沈廟  
貌蘊秀異斯人儼祠  
宇天恩自霽霈雖非  
絕

世姿貪頑一磨礪笑余窮巷人撫事動嗑欲黃金不可成  
青雲屢折翅三十猶布衣歲月水東逝飲酒復談兵迂闊  
總非計偶乘登高興復發狂奴態願得千壯士良馬復萬  
騎長驅西出關大獵蔥嶺外疏勒拜飛泉毳幕拔赤幟上  
豁明主憂下吐儒生氣馬革無不可生還亦快事此生  
更置酒痛飲向公輩泉石稍生色旁人作圖誌不爾便學  
仙誅茆入深邃俯仰餐霞露老死不下地辟穀不愁飢點  
石成金貝餘潤列雞狗俗物空翹跂豈有七尺軀二者無  
一遂低首作書生摧眉事權貴生我意何爲天公太無謂  
入山山人笑下山山鬼戲試問朱會稽吾言得毋醉

闕普通武字安甫滿洲正白旗人光緒丙戌翰林山編  
修歷官禮部侍郎西甯辦事大臣有尺五園詩草

何潤夫前輩除御史

蕭梁詩學紹家傳例作冬官十五年古集久推何水部新  
詞爭唱柳屯田恰逢 聖主求言詔願續烝民補袞篇昨  
夜依稀瞻象緯法星光耀太微邊

校籍相隨步後塵魯魚亥豕辨陳陳

時同校會典書

曾看埽葉隴

如水已信含霜筆有神捧簡依然同史席埋輪始克識忠  
臣中原多故憑誰治要待南臺獻策人

東宋子桐同年

書畫詩才久擅名十年投贈等瑤瓊訂交早挹如蘭臭愛  
我從無惜墨情屢乞書翰用筆有霜詞凜冽持衡似水鑑空明



重城遠隔難常晤且把郵筒當寄聲

七月廿二日真除禮部侍郎紀

恩 戊戌

鳳閣簪毫謹效忠侍郎除授拜南宮涼臺夏健雲陰綠燠

館冬晴日影紅

禮部堂座  
冬夏遷移

偃仰高槐承

湛露吉祥細艸

舞春風典章法度尊經術飽看河間翰墨工

紀文達公終  
於禮部尙書

署內屬  
聯甚多

十月廿八日由禮部侍郎拜西甯辦事大臣之命

疑謗都緣學日新擇交不慎味知人聊將薄譴彌羣喙且

爲邊防選近臣詔拜

紫宸沾

雨露兵銷青海靖煙塵

君恩重處忘途遠敢說馳驅歷苦辛

聖明在上不疑猜早鑑忠忱折不回進步太殷忘枳棘凡

心偶動下蓬萊木因盤錯生奇節人遇艱難練大才追法

漢唐名將略西陲奉使報栽培

哭崇文山夫子殉節保陽

正氣千年若合符前身信國定非誣

公大魁天下有詢姓字者僉謂信國後身

星流芒角摧名將

聶軍門裕李兩帥相繼殉難

火烈妖氛滿帝都填海

有心難補救回天無力可匡扶陸沈忍見神州劫慷慨捐生激懦夫

軍火喧傳退保陽乘輿西幸變倉皇儒臣空抱激清志

將帥皆無禦鬼方松到歲寒知有骨人因晚節始流芳

九重震悼傷賢佐一讀綸音一斷腸

程門立雪永無期第一人稱百世師再起東山資輔導

公致

化已廿年特詔復出授爲宏德殿師傅

每懷正學佐清時梓鄉科第增光寵

旗籍向無殿撰自公始破天荒翰苑風騷賴主持來去分明能擇地英靈

終古鎮蓮池

盡節於蓮池書院

鯁生自顧受恩身想像遺容淚滿巾  
氣壯山河輝史冊神騎箕尾動星辰  
一生知己逢公早三載心喪感夢頻  
欲識羊曇揮淚處西州門外最酸辛

引疾乞身未蒙 俞允得十二韻

不慣邊隅地風寒歲月侵從公方力疾受瘴已年深  
願乞餘生骨常留報主心焚香剛拜表脫帽待抽簪  
聖眷誠高厚天顏若照臨寬期餐藥餌未許入山林  
設法馴羌狄無人饋朮蓼閉門惟靜養把卷費沈吟  
戀闕忠懷切思家旅夢沈故園催臘鼓海上憶胡琴  
辭歲聲鳴爆宜春學貼金來年重啟奏翹首待 綸音

曹允源字根蓀江蘇吳縣人光緒丙戌進士現官湖統

漢陽府知府有警字齋詩略四卷

弔戴孝侯觀察

字壽

戴君魁傑雄武姿學萬人敵提偏師威海南北張旌麾大  
帥箝制噤設施隄隘迺月獨力支劉公孤島累卵危巍峩  
戰艦軍飢羸南入慷慨真男兒守地尺寸不可離搗涕誓  
眾聲鼓鞏青燐碧血風慘悽纍纍國殤而目驚前左後鄧  
鄧軍門相追隨含笑仰藥甘如飴封侯無骨非數奇死爲  
世昌鬼雄毋後時成敗論人亡是非酌酒問天天何辭

讀史四首

聞說工商勝力農賈胡聲績埒三公張騫鑿空銜天語卜  
式輸財動帝容橫海樓船非戰具中原籌策但和戎弓弣

箭箠銷兵氣馬革何人更有效忠

羶裘羊毳雜羶腥天地荆駝霧氣冥調鼎未聞眞宰相彈  
冠忍覩小朝廷孤臣勛業梁溪集勝國文章野史亭泰岱  
巍峩終古峙登封不見漢家銘

祆經咒水海揚塵草木依然帝里春豈有圍碁能破敵可  
知借箸欲亡秦摧殘士氣餘文綱虛耗軍儲更算緡幾輩  
萬言陳闕下酒酣肝膽尙輪囷

夢繞祁連礮石飛風雲壁壘突封豨峒苗夜識金銀氣牧  
馬秋高水草肥北去窮邊作甌脫西來都護有旌旗茫茫  
四海皆王土誰向空山賦采薇

惲毓鼎字薇孫號澄齋順天大興人

原籍陽湖

光緒己丑翰

林現官翰林院侍讀學士有澄齋詩稿

有感二首

風雨驪山起夕烽雞鳴頓罷景陽鐘孤臣血淚三千點上  
國煙塵十萬重南海瀛洲宵警鶴西京興慶晝蟠龍天荆  
地棘程難達夢繞寒雲太華峰

天市微茫隱帝居河山如故地邱墟巖城誰下雙龍鎖  
禁闕爭馳五馬車直以陰陽歸氣數忍將水火溯權輿  
太平待返崆峒駕願上中興十策書

憂危

千古痛心事及身親見之匆匆奉天錄歷歷杜陵詩清渭  
秋流夢朝墜日苦飢闔門十四口何地脫憂危

書許侍郎袁太常遺疏後

宗社安危八百言，巫咸誰下問銜冤。  
東京竟應黃巾讖，西市常留碧血痕。  
朱檻辛裾同瀝膽，范湖嚴瀨兩招魂。  
青蒲我亦承天對，後死空慙負國恩。

城頭烏

城頭啞啞嗚暮烏，寒枝巢折驚呼雛。  
建章銅龍漏沈寂，朔風暝雪吹天衢。  
燈前客聞感元髮，江南有家歸未得。  
萬壑千林斷去人，宵宵夢掛關山月。

與茂軒鳴三綬金澄齋賞梅二首錄一

干戈知滿地一室，且褻裒世難尙如夢。  
梅花今又開鬢絲，暮暗雪心事撥寒灰。  
知已嗟無幾，閒中肯數來。

江 標字建霞號師許江蘇元和人光緒己丑翰林官

編修

在湖南學政任內刊有靈鷲閣叢書  
歿時年僅三十餘詩文集未見刊行

和順德李侍郎和林金石詩原十四首今錄十首

正是開元全盛時可汗猶子語堪思陰陽氣隔異君長此

是皇家得體辭關特勤碑

剝落殘碑認短銘舍人書體出天廷吾從字畫徵旁刻大

泰山銘小孝經苾伽可汗碑

大字先題登里囉可汗名字曰毗伽半從佛法治天下莫

怪年來景教多九姓回鶻可汗碑

幣施十五萬餘千餘字一本作六造此興元閣子年題字猶書臣

學士至元鈔楮已雲烟許有玉勅建興元閣記

梵書大刻是何時碑是劉公記去思曾拓中州伊闕石一



般唐突古時碑

和林兵馬劉公去思碑此碑半刻梵書皆掩原文上

脫脫已罷懣懣卒誰是平章至正秋一記不傳名姓在朔

方賸有斷碑留

大司農保釐朔方殘石記

誰書總管收糧記字字分明市糶篇碑末附書新造字順

宗皇帝妥懽年

嶺北省右丞郎中收糧記

安陽五刻殘張壽漢石零星世尙珍不意元朝存碎礫亦

從百字認殘鱗

淵潛勝槩殘碑

不花札木各題字嶺北和甯省路碑欲檢史書徵姓氏文

經三寫校誰知

嶺北省和甯路題名二碑

青塚年年塞草青漢家遺碣尙亭亭紙灰吹起秋風急來

讀徐郎百字銘

漢塚石

周樹模字孝甄號少樸湖北天門人光緒己丑翰林由  
編脩厯官黑龍江巡撫有沈觀齋詩

登西嶽廟萬壽閣看華山

顥靈樓殿面三峯咫尺煙雲徑路通秦樹遠看明夕照岳  
蓮高不墮秋風峻峭似與畸人對鑄鑿真疑造化窮到此  
遊心過萬仞翩然一隼下青穹

題管士一侍講廷鶚使秦詩草

玉堂文物屬蘇仙滿路新詩手自編使者興言多柳雪大  
夫能說是山川身輕閒浴溫泉水筆健高擎太華蓮句律  
別開齊魯派瓣香無意拜王田

講院亭  
山薑

雨泊范莊

暮靄茫無際羣山不可窮岫雲常蓄雨湍水易生風人語

深林黑樵肩落葉紅歸秦裘尙在寒鶴對蒙茸

李伯虞侍郎左笏卿侍御夏夜齋中小集

虛室來素心語笑釋孤悶買鄰錢不足賃宅坊巷近馬聲  
有時喧徒步亦不困庭前老槐樹經過煩屢訊太冲句高  
奇併入澗松韻短李中落落獨鶴破鴉陣顧我性倔强俗  
子紛排擯惟有舊侶儔相視歡且愁成三固云多得一可  
不恨夜靜月魄生涼星墮疏鬢促童煎苦茗汨汨詩喉潤  
意外得清甘心根鋤鄙吝燭跋談轉深烏几堆紅燼客去  
雨滂沱砌草綠一寸

題端午樵中丞鄂城攀崎圖

楚雨吳煙各一岑東門柳色思難任雲霓自滿來蘇願江  
漢終存借寇心執禮生徒齊北而作歌父老半南音謀新

聽罷原田誦更贊陶桓百鍊金

一江綠盡葡萄酒傾入千家餞別卮恩意淺深人自覺煙  
波浩渺我歸遲買絲爭繡平原隊伐石新刊峴首碑公去時

人於黃鶴山刻石肖像

聞道安東權假節陽春延望再來時

湖廣館觴客和韻

虎坊池館畫生寒佳客逢迎共解鞍詩酒舊人成涕淚冰  
霜來日大艱難十年塵土衣仍素幾輩卿曹轂已丹梅信  
遲遲天又遠莫勞乾鵲噪檐端

送李梅癡觀察之官江南

梅於百卉中秉氣特高寒窮山閱物盡冬乃發其妍吾子  
實肖之自號以癡頑知子固不頑人貌而心天矚然冰雪  
姿苦被冠纓牽十年走江海有如不繫船入吳訪鄧尉向

越追逋仙求官忽至都所樂非在官頻煩過我廬探懷吐  
至言爲言野逸性宜置巖谷間啄腥詎得飽諧俗良獨難  
嗟哉國無人調鼎資汝賢木強任大事豈在桃李顏文舉  
具金性廣平有鐵肝相期守歲寒與子同貞堅

送袁季九同年出守遵義

二首錄一

營水狼山七千里一麾江海去如鷗桃谿且可名詩集柳  
子何勞念遠州民隱宜通休卧閣邊烽方急好登樓男兒  
別有關心事不在車前擁八驄

秋夜笏卿招飲和卽席韻

移情何處有絲桐燕市豪歌半醉中但得隻雞爲近局底  
須驅鱷用強弓呼燈斫繪歡今夕說劍論文亦古風座客  
已收吾楚秀

謂宋敦甫太守  
陳仁先比部

敢辭卮酒氣如虹

八月二十六日紀事

蛇年壯月月下弦絕國使者登華軒車中有物轟霆發響  
若坻隕人沸然一彈迸裂萬星落已有橫尸當道邊邏卒  
獸散達官避紛紛毀面傷中肩回旆歸來奏 天子斫案  
拔刀天爲起暴客自斃餘黨存 詔書大索咸陽市要離  
妻子先自燔聶政面目誰能指任俠謬欲驚世人書盜終  
竟煩良史譌言日夕滿都城九門警衛羅萬兵沙中似覺  
短弧出白晝疑有魑魅行袖中鐵椎防不得頭上羶帽空  
崢嶸大人作事要定力常由艱險趨寬平水蛟陸兕兩無  
畏焉用咄咄稱恠事陽盛能令霰雪消道堅庶免神鬼戲  
掉臂人間汗漫遊不知荆棘滿天地茫茫滄海闊鑿  
空萬里向西極相將整備博望槎周歷三十有六國蒲梢

約從大宛來苜蓿取向離宮植漢室威靈今尙在月氏要  
領其能得男兒不合死牖下從古鳳麟宜爲天驕識

將往日本攷求政法仁先枉詩贈行依韻奉答

無方可活國兀坐手書囊海外往求藥南陽遲種桑茲遊  
誠汗漫多事日棲皇笑視蓬萊侶眞仙自有鄉

周邦新命日漢社中興年風氣通三島文明共一天乘流  
驚海若贈策得龍川騶衍言閔大荒唐未是賢

秋日同蘇生仁先昆仲步至黑窰廠眺遠

漁洋詩客經行處我後來遊二百年憔悴爲憐秋樹影悲  
歌難遣夕陽天野田高下生寒菜宮闕嵯峨隔晚煙枯草  
作花看似雪故應相對笑華顛

丙午九月二十八日南行度黑水洋大風

彈指京華二十春秋霜蕭颯鬢毛新乾坤浩淼尋歸宿露  
電分明識妄身濁酒難消滄海淚驚飈爲掃素衣塵前行  
不省蛟龍怒掉首風波一幸民

冬日同李馥庭方伯遊莫愁湖

淡粉輕煙幾處樓至今人好石城遊南朝何限傷心事天  
子無愁女莫愁

斷葦枯荷卧柳枝崢嶸歲暮我來遲寒僧爲說江南好卻  
在鶯飛草長時

臘月十五日至江陰南菁學堂考驗學生

士多如鯽校如林入冶誰爲百鍊金定有光輝生鳳羽須  
將格磔化鴟音救時難託空文見臨老惟餘勸學心獨上  
君山

在江陰城北

舒遠眺大江東去日西沈



丁未四月奉 命攝奉天左參贊中丞陳公枉詩贈

行次韻奉酬

碁局長安耳慣聞難將遺策叩元君琴絃敢道更張易車  
轍今看徑路分私喜蘭陵稱祭酒無端蓮幕要參軍吳人  
攀手公投轄所愧昌黎不武文

提學江蘇半年蘇人倦倦  
請留中丞電商樞部不允

戊申生日

入山採藥功難見開篋讀書道不知四十九年已若此更  
千萬日將何爲平生未悔劖腸卜起死還須折臂醫自向  
餐時添飯肉腐儒臨老倘能奇

王 艾字子楚湖南瀏陽人光緒己丑舉人有通海室

詩稿

亡姊忌日以詩哭其墓門

流水下平清逝者永不歸  
侯蟲催晷景倏焉逾一晷  
振衣登墓門念我賢女夔  
敬恭事夫子式好兩無違  
僅續愛春月旨蓄怡冬暉  
兒女森成行撫之備德威  
少長咸有職熙熙趨庭幃  
昔我過從時送迎常倚扉  
閱我多遠役壘菜時相遺  
危言勗保衛不啻兄與師  
今我攜兒來遐哉音與儀  
芳草覆青塚鬱鬱羅豐碑  
蚯蚓穿穴出鳩鳥繞林飛  
積雨潤叢薄松楸皆十圍  
夫子向我泣追述形管徽  
弱女牽我裾問我母何之  
感此傷我心長歎涕交頤  
託體原一本昨是今何非  
顏天與蹠壽天道良難知  
含淚下山去暮色橫

翠微

遇貢院有感

君不見飛甍畫棟森崔巍，矮屋重重如鱗排。  
兩字大書標貢院，千條複道通長街。  
皇華使者以時至，文星照耀天門開。  
度盡金丹換凡骨，持來玉尺量羣材。  
文章有神交有道，時見文光百丈騰蓬萊。  
卽或月明人靜撤棘後，猶聞春蠶食葉唧唔之聲生庭階。  
奈何烹龜禍桑樹，坐令黃鐘毀棄釜鳴雷。  
三五少年窄袖蠻鞞聯袂至，昔時舞榭今優臺。  
吁嗟大雅忽淪喪，米珠簞盡糠覈來。  
金絲依稀出魯壁，詩書何處澆秦灰。  
子貢籛羊長已矣，尹媯衣冠安在哉。  
我是昔年鏖戰地，往事憶起重低徊。  
夕陽驅馬悠悠過，歸家醉倒

黃金疊

文廷式字道希號芸閣江西萍鄉人光緒庚辰榜眼官  
至翰林院侍讀學士有雲起軒詩

脩門

脩門芳草色萋萋此去關河路不迷千里久憇黃鸝  
春常怪亂鴉唳參差鳥嶼雲初變迢遞樓臺日易低驛館  
燈昏沈睡裏何因不唱汝南雞

辛卯正月廣州作

九衢歌管日喧闐一室儒生自聖顛夢好難尋入境外花  
開如見古皇前街丁逐疫敲銅鼓游女嬉春墮翠鈿不是  
江湖長挂眼久居嶺表亦安然

雨

絲雨濛濛濕九州碧闌干外迴生愁人間若有瓊簫恨不

遣滄波到海流

羣花無力鬪春寒  
遲暮園林怯晚看  
行過苔階重回首  
他時曾惜一分殘

壬辰歲暮作

微暖蘇人硯不冰  
勘書深夜短檠燈  
冗官已似豐年穀  
盡歲難爲繫日繩  
滄海迴瀾天有意  
金門大隱客無能  
春情祇有梅花覺  
瓊島清波第幾層

偶成二首 庚子

寰宇悲風激波濤  
迫歲除飲江天竺  
馬攤市茂陵書芳物  
朝餐菊冥心夕據  
梧寂寥人世改吾  
計定全疏

大道塵成浪人間  
世底忙無愁過雁  
序久客戀鱸鄉燈  
燒

遊殘月衾寒怯早  
霜新茶初潑乳與  
俗澹相忘

唐錢翊詩  
人間馳競

處塵  
自波成

自七月至十月有感而作四首

誰言國弱更佳兵其奈狂生憤已盈  
鐵騎晨衝丹鳳闕金輿宵狩白羊城  
何人能屈橫流溢今日真憐大廈傾  
無分麻鞋迎道左收京猶望李西平

北狩烽煙越幾時西行旗鼓更堪悲  
朝廷袞職尊藍面河朔軍符授赤眉  
目斷汾河惟雁到心驚滄海有龍移  
孤臣淚灑荒江畔忍痛新裁變雅詩

崑潼形勢本天然王氣銷沈九百年  
但使東南漕底柱漫愁烽火徹甘泉  
羽觴露浥瑤池讌仙掌晴開玉井蓮  
回首烏龍江上月秋風清淚泣銅仙

燕秦莽莽舊山河到此誰揮落日戈  
未必平原頭可篋更

無延廣劍橫磨漫天風雪堯年冷誤國衣冠宋鵲多

陳陶詩禁

掖衣冠

前後沈楊寧得料霜晨攬鏡未蹉跎

幽人

幽人策杖江頭立潮去潮來變古今晉代衣冠半南渡漢  
家城闕又秋陰鯨鯢跋浪連山蹙虎豹當關白日沈曾記  
敷衽謁虞舜浮雲西北此時心

月

藏珠通內憶當年風露青冥忽上仙重詠景陽宮井句菱  
乾月蝕弔嬋娟

李義山景陽宮井雙閣詩  
秋港菱花乾玉谿明月蝕

鰕鮒 用陳思王韻

鰕鮒戀潢汙不異天池流斥鷃槍榆枋亦復逍遙游大小  
兩無盡明德自相儔一壑專且美可以知崑邱疾風壞林

木咄嗟誰爲謀積垢毀高閎洪波臨神州陸沈須臾間仰  
視青天浮巖栖豈獨適遂令達者憂

山居雜詠

四首  
之三

蕭然歲晚下緇帷緝綴閒言且作詩野蘚漸乾知雨斷枯  
櫪無葉任風吹

月波斂澁五更頭松子敲鏗落瓦溝驚起幽人眠未熟霜  
華寒入做貂裘

蘿帶緣門薜荔衣亮無熱客叩巖扉相逢樵子談碁局青  
樨林間賣藥歸

萍鄉山居雜詩三首

甲辰

雪山筍裏勤求藥祇樹園中廣施金獨有淨名無一語天  
風吹座落花深



石澗纒局三尺瀑巖梯高絹萬年藤窺窗欲下猿偷果過  
澗仍回鶴啄冰

山谷老人親種樹碧池處士舊憑闌斜陽不改青山色寄  
語時賢鄭重看

夜坐吟

銅壺咽漏夜初長蘭缸墜穗凝寒光絃聲淒淒管聲促送  
入北風聞斷腸此歌不足聽此心不可傳如海濛干波循  
環固無端階除無聲集輕霰白鳳旋空羽如電鄴臺銅瓦  
化鴛飛冷灰糝入甘泉殿

吳蔭培字穎芝江蘇吳縣人光緒庚寅探花現官貴州

鎮安府知府有粵遊鴻雪詩

廉郡紀事留別詩四章

丁未五月

萬里炎荒感宦遊一麾兩月漫淹留防邊計拙登陴守報  
國才疏借箸籌已分裏尸隨馬革居然識面徧蠻陬書

生聊復從軍旅笳鼓終宵聽戍樓

南疆日夜電書馳我效包胥勸乞師

自四月始軍書旁午寢食不遑余以廉賊

兵力單薄電乞省中援師自北海圖獻金城趙充國捷傳

遵陸取道廉州進剿以固廉防露布傳修期黃龍定約通鄰好青犢銷兵靖海陲北望靈

山雄保障喜除苛法起瘡痍

斗大邊城百粵山 觚稜回首隔塵寰

余官翰林十七年奉命守廉州是

郡襟山帶海距京師七千餘里瞻望君門不勝依戀媿無利器經盤錯拌作孤臣

冒險艱汲粟恨難先事發孟珠敢望此邦還廉人送行有以珠臆者余

力卻

不才豈有循良績聽到輿歌獨汗顏

愛園容易課農桑一笑移官願未償定亂敢違天戒殺治  
行且喜客輕裝難忘祖道賓僚盛何事攀轅父老忙明月  
重圓看海角坡仙同此別情長

余守廉兩月受代與東坡移官兩月同

欽江道中紀事詩四章

丁未八月

永夜欽江泊征人夢未安楚氛今日惡蜀道此行難天象  
方垂警羈懷強自寬瘡痍悲滿目邊月好誰看

咫尺天涯近中原海盡頭他鄉偏獨客敵國竟同舟賊去

縱橫竄吾來汗漫遊此邦堅壁壘諸將正防秋防城旣破官軍固守

欽城匪攻不克其黨遂分竄靈山余赴欽時途次警報絡繹

六峰好巖邑回首悵奔離叩阪拌乘險聊城請救危飛書

傳電急開道進兵奇前席陳芻論空慚出位思

聞道河陽勝偏師早破戎四郊息風鶴羣盜化沙蟲將略  
雄 天討軍聲震火攻籌邊幸無事飽覽海西東

七月朔日廣州颶風歌

黑雲翻海馮夷怒萬馬千軍勢奔赴黃河倒捲飛雨注大  
塊噫氣空中助六合震搖巖屋仆一朝拔盡輪囷樹天地  
變色不知曙四十年來劫再遇

間同治壬戌七月  
朔廣州亦有風災 佗城彌

望隄西東海濱到處停艖舳沙灘一路巨浪春羣舟散亂  
如飄蓬大者舳艫小舢舨瞬息捲入洪濤中前途絕少津  
梁逢其魚歎息災黎窮瘡痍多少看哀鴻無端肆虐憑天  
公吁嗟乎天降厄運有時終沈災灑澹人爲功此邦古渠

分六脈城濠亦復堪尋蹤

宋邵曄知廣州嘗鑿珠江  
內濠以避颶風見循吏傳 可惜

水塘久湮沒珠江南北將無同我今畫策陳愚衷惟願港  
路多開通余居河南草芳園土厥夏間新闢水塘地不  
甚大而海艇避風者頗多此爲開港之明效  
流更駕長橋虹近年珠江有建橋  
之議今亦中止舟來得避飛廉凶羣生  
利涉都幘幪長教颺母收雄鋒

石門訪貪泉作宣統己酉六月

萬念不搖中有主貪泉酌飲卽廉泉勵清敢說吾宗獨嶺  
海同官勗衆賢

一脈天紳問何處海南宦蹟古碑存貪泉舊址爲民居所  
匿有明萬厯時題碑

仆田陌間余風當事  
建亭立碑保存古蹟樓船往事懷楊僕落日征颿出石門

王以愨字夢湘湖南武陵人光緒庚寅翰林現官江西

瑞州府知府有檠陽詩存全集

初集剛册續集  
別集各一册

陶然亭贈別石公時自遼東歸金陵二首

鳧潭春水綠  
汙汙青眼高歌日  
又曛遼左風煙羈管邴江  
東文獻老機雲相逢酒肆人  
問世迴首天驕海上軍  
閒卻當年揮檄手  
故山歸去策詩勳

餞春餞別兩無聊  
羨爾寥天一鶴超  
九陌鶯花成寂寂  
未央宮闕自迢迢  
肯將遲暮悲華髮  
知有雄文壯聖朝  
徑欲從君栖蔣阜  
一星魚火看江潮

竇甫以言事復入都有作

乾坤多難容吾輩  
冰雪思君動隔年  
兩度上書憂漢室  
幾人錫土覬鈞天  
棘門灞上風塵淚  
蒲褐繩牀解脫禪  
百鍊

有鋼成繞指故應慚對祖鞭先

四疊前韻寄實甫渝關四首

狂泉不信化貪泉魑魅公行白日遑誰解上東驚倚嘯絕  
憐鎮北譽矜前軍心栖越五千楯王氣臨江三百年依舊  
侯門盛歌舞墮釵雙枕笑嫣然

胡越彎弓倏弟兄苦分涓濁與涇清鬼謀有社欺曹叔神  
勇無人薦慶卿青領傳書三斗米赤眉煽亂八方兵不堪  
海上虬髯老猶盼秦中馬角生

杏園春宴報探花珂珮連雲走鈿車幾見銀河洗兵馬居  
然彩筆換矛叉悠悠肉食羣謀國落落儒冠誤有家明日  
擊舟江海去不知何處避灘沙

時余將卜居保陽

聽遍禽聲帝奈何通天上表淚如波六州鑄錯山河裂一

病愁春風雨多短髮久拚頭責我長條爭忍手攀花落其  
種豆尋常事趙女無煩倚瑟歌

次王幼退給諫鵬運韻

蓬壺宵解惜春愁多事人間張幔遊貢斧荒唐古噪鵲聘  
錢珍重貸牽牛埋頭破鏡天將老繫肘神方世未收聞道  
安期仍挾策如瓜仙棗若爲留

麻姑鳥爪髻堆鴉不信瑤池兩鬢華養得欽鴉形似鳳攜  
來靈犬吠同蛙投壺矢誤天方笑偷曲牆高月易斜誰夢  
玉真傳秘籙摩挲病眼惜昏花

岱頂

五嶽尋仙亦快哉九州橫覽上崔嵬天清碣石盤雕出日  
落闔門繫馬來萬壑流穿秦漢樹一坏草沒帝王臺乘風



徑欲排閭闔吸取東溟作酒杯

浴日亭觀日出作歌

嗚呼華山失玉羊秦岱亡金雞山河碎裂日慘悽胡爲西  
行不得意東來復躡升天梯奉高城北新雨霽故人邀我  
看山翠天荒地老今何年弔漢噴秦已多事酒酣直上登  
封臺蒼然暝色秋悲哉夜夢青天壓胸不能臥急喝金輪  
照耀青冥開扶桑三躍海波紫赫曦萬里同一軌誰信天  
風絕壑朝暉寒倏忽倒行西海底萬歲千秋盡如此我聞  
帝堯世十日並出何其神有窮一彎弓羣鳥走跋踈一鳥  
逃死枯葵根使我天不開九關地不燭覆盆帝不得出震  
人不得生寅至今社首蒿里聚鬼窟東封不復治生人稽  
首天帝孫借我梯空索高掣羲和鞭迴光入窮漠立蠶雄

虺紛騰逃畢方魅蠱敢游譖此時中天歌復旦大開明堂  
錫珪爵笑着東海揚清塵何物遊光肆螢燭惜哉六龍收  
轡若木摧齊煙九點成飛埃夸父逐影爾何拙一簣甯補  
邱山隕明朝拂衣下山去層陰萬壑增心哀

居庸關

重鎮全燕掌握收登臨白日黯神州地傳秦漢風雷古劫  
盡金元草木愁一自天驕爭測海翻令關吏罷防秋至今  
入塞榆河水親見氐王擁傳遊

奉新侍郎巡撫粵東近以裁缺歸里賦別四律

風雨羅浮合元戎此告歸巖疆三載寄朝局百年非南海  
啼鵑急西江釣鯉肥安危關出處搔首問荷衣

出入三朝重謳歌百粵新天心工變夏吾道肯謀身疏傅

東辭漢商山西入秦中宵看太白撫劍一悲辛

投簪本公志去國豈君心定有鋒車召寧同羽扇吟玉芝

新柳色珠海舊棠陰公讎風流歇登樓感自今

玉芝堂名

司馬遊梁日豫章懸榻辰重來瞻節鉞相助在君親並世  
誰知己銜恩况大臣迴鞭我安適天地遍風塵

### 生非

生非同調死相隨名列丹書悔已遲屈指魚緋新賜日傷  
心鶴唳舊聞時江波如淚流何極蜀魄無情弔豈知憔悴  
青山還獨去黃鱸回首不勝悲

柯紹愨字敬儒山東膠州人光緒庚寅進士官江蘇知

縣

鳳孫前輩劬恣之兄有州山堂詩一卷不作宋元以下語

行謠

舟行畏風車行畏雨風雨不時行子心苦

河之水歌

河之水雨霑霑今日不涉明日水深

緯婦詞

岸遠遠舟緩緩不怨河路長但怨儂力短上水愁西風下水愁東風安得好風力儂船西復東

舟次牛渚弔太白

流水自今古我來空憶君斯人猶未遠况乃謝將軍潮白  
天門月山青采石雲蕭蕭楓葉岸今夕不堪聞

鸚鵡洲弔禰正平

我讀禰衡傳，曾傷作賦才。  
芳洲問鸚鵡，楚水有餘哀。  
草色春猶綠，江聲晚更來。  
漳河西北望，何處是銅臺。

出都留別諸同年

三載一相見，其如旋別何。  
出門芳草遠，斜日亂山多。  
古道鳴官馬，平林散木駝。  
桑乾明日渡，良會惜蹉跎。

滑縣道口作

陳橋北去滑州近，河水東流瓠子寬。  
遠道客歸真似夢，禁煙時過尙餘寒。  
春風沃壤開鶯粟，細雨荒隄徧馬蘭。  
漫說民生憑策畫，從來循吏屬儒冠。

成 昌字滄生號子和滿洲鑲黃旗人光緒

舉人

現官四川夔州府知府有滄生詩稿

冬晴

喜放梅花影過牆硯池波潤墨生光  
雪消畫檻留殘白塵定雲牋拂硬黃  
鳥啄寒冰爭涸水鴉翻凍柳趁斜陽  
春和轉盼回腸谷才識 神州化日長

趙芷蓀侍御郵寄和移居詩四疊前均答之

北雁南鴻各一天涓湖何處暮雲邊  
回思舊事疑葑夢誰

惜清才正盛年畫幅贈君留幻境

去年五月初四夜夢中得詩一首爲繪秋林

句圖贈之郵筒爲我補詩緣方深離索無窮感快讀天孫濯錦

篇

和趙竺垣侍御京居客感元韻

五十華顛鬢欲絲  
消愁惟有紫瓊卮  
九州形勢雙行軌  
四海安危一著碁  
難刈荆榛空有恨  
獨憐萋楚尙無知  
武陵鼓棹尋漁父  
飽看桃花賦好詩

張蔭桓字樵野廣東南海人官至戶部右侍郎總理各

國事務衙門大臣有西戍遺詩一卷

樵野水客野乘云

簿尉中年始折節爲學淹通掌故餘事爲詩亦復情  
蒼深重接武少陵眉山侍郎戍戍八月牽連獲辜  
落職遣戍庚子拳禍初起朝事紛紜之際聞  
端剛矯命見法玉門不能生入吁可悲矣

度烏稍嶺寄督部陶公並懷拙存徵士

鎮羌破驛不任住大風吹送龍潭去烏稍嶺勢原平夷往  
來輒與昏霾遇行人視此如險巖材官亟勸勿猶豫沙溝  
石滑叢冰積獨木危橋一川注幾經跋涉達山趾三五人  
家雜牧豎坡陀數折如龜穹時見煙墩閒電柱嶺巔孤峙  
韓湘祠貺及逐臣徵吉語嚴程何暇叩山扉但見冰厓浮  
紺宇自從秋度四天門河潼二華忘朝暮疲極虛瞻玉女  
盆飢來安得仙人露六盤青嵐倍幽雋酌酒山靈或題句



征途計日過伊涼羌笛吹殘玉門樹郵亭三九猶晴暄天  
不絕人况編戍獬廌豈有終朝鳴四面青蒼散妖霧沿山  
舊壘相委蛇云是防邊最要處前年鞞鼓蹙西甯漢回血  
戰洮渟腥董軍捷奏太子寺公侯從此資干城急移勝兵  
控山海吏募健兒充神京璧齋經畧逾萬里夾袋別已儲  
三印花門活佛並蘇息宵晝出没無颺颺隴雲藹藹補官  
柳竹頭木屑皆有情沈蒲教肅氣靜穆上流節鉞流休聲  
莊浪水利以時拓盡收刀劍趨牛畔荷戈且雇仁人矜調  
護苦待冰橋成谿壑回春在何許去德滋遠心搖旌紀鞏  
高渠今咸英侍行求已言爲經靈光殿賦不足擬說偈宜  
使蟒淚零時艱更期保玉體補綴雲物酬昇平

朱啟連字歧惠浙江蕭山人有棧垞集四卷

與紫雷同屬  
勁學故善

勁學嘗評君性行似元結文學似陳  
師道其術似姜夔非今之士所有也

徐次舟郡倅 賡階 坐觀垂釣圖 二首

孰未慕軒冕高冠夢泉石與世多所營何以適吾適徐侯  
東之官腰版日以瘠寫此臨淵意契彼滄浪迹天寒魚不  
餌冰湍日苦夕此中多風波意已爲君惜

一竿誠可娛在野非大隱猶餘撫字心敢負詩書蘊含生  
資艸木長養望童髡志行卻肥遯道在賤小謹掉頭學巢  
父昧者疑孤憤寄謝圖中人入山今遠近

送楊德彝儒學 聽 歸縣竹

曩讀蜀秀集服膺廖 平字與楊儒學弟銳  
季平字叔驍 廖甚擅史筆楊

又工詞章次公雅麗已驚絕四海誰復知元方南皮尙書

持節來絜提蜀產皆材良團茶貢璧競雙井美錦下機多  
九張長公一見更心折溫玉外粹稜中藏新都經學盛前  
軌况復有弟如蓉裳敦牟欵識羅幾許形聲辨別窮豪芒  
從來小學貴心得此躡段鈕追錢王走也泥問愧跛鼈河  
東快見三鳳翔魚藻門前沒篙水蜻蛉刺舟君別矣乘漚  
直向海門東大江吳楚參差是鸚鵡洲邊春草綠灑灑堆  
前暮山紫壯遊圖畫客心孤歸奉除書親色喜已授降旨  
縣訓導  
戶外蓬蒿欲謝人盤中苜蓿應生子著書定自連牀閣置  
酒相逢盡鄉里爲道稽山朱百年問訊汝南廖文起

贈梁節堪編修

鼎芬

並題其青天倚劍圖

一擊不中去舉世哀公愚朝爲侍從臣暮歸田野夫負蜀  
苟身利萬谷同一鑪霜風白簡肅肝膽青萍粗卑疏議尊

賊亦謂罪當誅始知不殺恩明白彼相辜寒秋出國門身  
外一尺圖英稜鬱心骨祇用懾天吳吾聞天下仁威斷持  
中區佞諛色始灰安事要質鉄 朝廷益見尊山澤可久  
燿期君寶此意永爲烈士謨

春晚遣興四首

側身天地路漫漫昨日長歌已大難乞食柴桑非故里挂  
書函谷幾征鞍朱簾日午扶頭倦白屋春深內手寒暫起  
攀帷停點易不堪風景靜中看

棘草參差雨後低舊經行處不成蹊無情芍藥從君贈信  
口雛鶯亦自哢永憶江湖書喜達久疏山野屐慵攜向來  
寂寞梁園賦瞻望秦關馬首西

錦瑟塵封十七年卻依瓊柱韻珠絃三生明月揚州夢一

四朝詩史乙集卷五

五

朱跋惠之二

曲青陽大道煙攜手玉京無準信賞心清調定虛傳羣竿  
得失俱相笑躑躅春風未敢前

况是黃昏黯碧苔索居懷抱若爲開事無可語憂方大天  
不能窮老更才學道光陰珍咫尺逢時膏澤靳蒿來中原  
攬轡澄清志搖落江潭只自哀

張錫鑿字金坡號今應浙江錢塘人官山陰縣令

護詩存

鄭孝胥云舊齊民政語余日子獨著其傳

之長身補面眉目登與三十年間馳騁外播城鎮敵岷起牧令以歷監司其間排難解紛抑強扶弱滿蒙羌漢望若神人家人婢媪恒舉其名以止兒嘯詩存一卷多懷人感事悲壯蒼涼之作

通江春興

渾江東下碧波激龍首山高幾獨登雪霽遼天朝射虎草  
翻沙積暮呼鷹畊煙萬戶開荒甸王氣千年護  永陵匹  
馬四郊時極目晴光催綠滿春暄

風雨東來欲度遼肯將身世問漁樵籌邊漸喜無甌脫規  
國猶虞有暗潮犢劍幾時從脫佩鳴渾何處問盈消鮮卑  
城郭多松柏策馬懸車久寂寥

長白遙青接大荒天留此塹控豺狼一岡東北通雞牡六

甸西南引鳳凰畫地自居形勢勝恤藩尙翼子孫昌龍潭  
隱隱聞冰泮旭日扶桑望莽蒼

雉堞新成據上游北門深鎖總良謀形家自有前空說兵  
法原無後顧憂白馬貢臣猶執笏黑熊山名名戊卒亦鳴騶一  
官創治知何補惆悵春江日夜流

甲午統軍南進馬上口占

輕寒惻惻入春衣大纛南征莽鼓鼙峻嶺摩天盤健馬臨  
風一笑萬山低

自團防暮飲歸營

薄飲郵醪趁醉歸長河一帶晚煙圍暮天風緊雪平埜匹  
馬衝寒山欲飛

甲午中秋前日左冠廷軍門戰破平壤詩以賜之

寶貴諡忠壯山  
東費縣人也

屹屹孤城獨守難  
祖邦西望客軍單  
大同江上中秋月  
長照英雄白骨寒

暮春感賦 己亥

去住真無計  
行吟又暮春  
如何天上月  
長照未歸人  
故國青山在  
關河白髮新  
飛花應有恨  
片片過西隣  
金盡傷流寓  
身閒未是貧  
笙歌能醉客  
花鳥亦驚春  
國是艱難甚  
天涯涕淚頻  
軍容尊上相  
或可淨邊塵

舟泊德州尙會臣觀察邀飲督糧道署臨行感賦

繫棹西城下  
君來策馬邀  
日斜吟轡緩  
風定暮鐘遙  
憂世心同熱  
談兵氣不驕  
時聞柔遠詔  
屢下聖明朝

父母登堂拜妻兒  
出戶歡未驚  
顏色改轉令  
客心寬肝膽



今誰是交遊古所難  
相期兩七尺休遣鬢毛斑  
爲愛平津館山林  
楚趣長板橋斜渡  
月花徑暗生香叢  
葦碧沈水疏燈紅  
過牆弟兄賢好客  
相與倒壺觴  
墨波濃染指醉寫  
菊花看彷彿東籬  
下疏枝開未殘  
月來疑有影霜後  
定能丹何日歸三  
徑滋培傍藥欄

自笑一官誤蹉跎  
春復春青山爲客  
久白髮上頭新涕  
淚餘前事天涯有  
故人尺書勤互答  
莫爲別傷神

大沽海口南北礮臺  
俄人佔據馮參將  
死之

庚子

傳聞沽上失雙臺  
一將身殲事可哀  
門戶何堪資敵踞  
鯨鯢猶自挾波來  
還虞萬馬騰沙漠  
應遣偏師效背鬼  
極目雄關成獨眺  
寰中誰是治軍才

聞遼事感賦

無端烽火逼陪京，敵角風凌。一明堂謂矜功，張撻伐翻。  
然致敵勢縱橫，燎原獨驅。民生禍喋，血難消朔漠，兵遼海。  
浮雲能蔽日，轉勞。聖主盼澄清。

王郎歌

癸卯冬子復權邊平子守郡時局艱迫交相  
爲難甲辰夏平子以病乞卸任作歌解之

王郎王郎鬢已霜，一官潦倒守鳳凰。簿書堆塵不得理，外  
侮披猖心膽惶。結交廿年吾畏友，一城日夜謀攻守。詎知  
檄下守中立，局外虎狼教袖手。和俄日不容，和日俄所忌。  
四肘掣兩雄，八蹄縛雙驥。赤日炎炎鷲張翅，蒼龍俯首若  
趨避。爾我徘徊斗室中，新亭痛哭誰家地。吁嗟奇局亘古  
無客軍，血竭吾脂枯。傳聞遼西十萬戶，尙思遷鳳安其居。  
以鳳爲樂土，遼西當無餘。俄兵不退日，兵進主人中立村。  
爲墟吁嗟奇局亘古無長此，終古將何如。

悼姬人癡吾

丁未

丈夫羞下淚爲汝一悲歌卿命已如此我勞將奈何病深  
疑藥誤情重悔恩多美目知難瞑無言尙轉波

大婦猶憐汝深情解玉環入棺心未死握手淚同潛遺像  
如花笑臨風意自閒可憐今夜月無復照雲鬢

好色成吾累斯人豈偶然關山風雪裏隨我去籌邊烽火  
驚離後鶯花續夢前瀋陽太平日悲喜只三年

爲汝卜佳兆城東土一邱遠山橫黛色隔岸繞清流以此  
埋香骨應無異地愁爲留碑碣在姓氏倚千秋

入室窺明鏡嗟余漸白頭一官成落落白日去悠悠花影  
不知處閒雲空自流返魂香試爇誤我遲妝樓

李嘉績字雲生

又字冰叔

四川成都人

祖籍順天通州官陝

集中自署潞河

西臨潼縣知縣在任候補直隸州有江上草堂詩集

及代耕堂詩藁

在陝歷任十餘州縣所至綜覈名實剔除積弊寬猛相濟吏畏民懷歿後

各邑紳民合詞乞陝撫奏請宣付史館集中感事投贈諸什多關於朝章國故

送黃子壽廉訪開藩三吳二首

清芬作頌事重論政肅烏臺教自敦七郡鼠牙風靜訟干

山鴻爪雪留痕久看大海能容物未許羣寮說感恩北楚

西秦敷惠徧又將霖雨沛吳門

味蔗書成感舊多名山風雨悵如何

予近刊外大父味蔗軒詩集公因劉寬夫

先生與味蔗翁亦三世舊誼

杜陵廈在心常切蘇柳堂垂事不磨

公建學律

館於署東顏曰蘇柳堂命予書額

言語要刊揮塵錄文章還待考槃阿何

時故吏重參坐夢繞江城白玉珂

春興六首

汧亭獨上客愁侵涕泗茫茫感不禁  
南逝黃流增滌濼東趨白骨儘銷沈  
空懷妙選三千弩已費深籌百萬金  
正是桃花春漲日連天風雨怕馮臨

指點黃圖問劫灰上游形勝此登臺  
海邊巨艦猶來往天下征車盡滅裁  
市倍誅求嗔作俑才遭譴黜歎無媒  
請看將相銘功處祇賸垂楊夾道栽

天分行省列東西莽莽風塵靜鼓鼙  
萬里蠻花迎客落三春怪鳥向人嗁  
赭衣塞道邊重戍碧海連檣渡易迷  
競說王公能守險一枯愁對玉繩低

側聞都市盡含春詔議泉源重比輪  
八坐司農齊赦過千山礦使莫憂貧  
日邊圖府稽成法天上洪鑪鼓大鈞  
當務

好謀敦本政從今風俗漸還醇

從來講武趁農閒驛路春深仗節還談笑暫安秦四塞氛  
埃猶伏隴千山金尊夜醉牛羊道千甲朝臨虎豹關太息  
誰論司馬法一編空載渺難攀

浩劫蟲沙事忍論鶯花洗盡曠空屯民流未復荒田里穀  
賤難輸哭市門無計陳圖思鄭俠有人起舞學劉琨微官  
去就輕如葉獨爲蒼黎泣淚痕

寄懷何詩孫都中

君祖號猿窠文辭韓柳徒詩畫尤所長大名充寰區我惜  
未見之見君傳形模能繼先世業人稱若合符憶昔歲丁  
戊驅車游上都莽莽塵土中結交城南隅城南宣武坊人  
海紛鴻儒而我與君游不異八俊厨高談卻能罷買醉輕

四朝詩史乙集卷五

李雲生之二

錙銖三更避炎暑古寺揮毫俱不羨公與侯折要多諂諛  
不羨金與帛出口多貪汗澄懷淨無滓浩浩開江湖爲懽  
正未極欲別催驪駒貽我東洲集贈我紈扇圖揮手廣渠  
門載馳三秦途寒暑十四易北山今守株邊城生悲風滿  
眼皆榛蕪忽思暖窳孫對酒空酣呼君胡久滯官何日重  
相娛須眉定非昔意氣應不殊作詩遠寄君君可懷舊無  
塞鴻爾自北月落山堂梧

秋堂雜興六首 錄五

亂山黃日下班馬聽蕭蕭近市餘鞭箠荒城斷斗刁地形  
空自阨生事太無聊墜盡詩人淚西風草又凋  
天西望不極今古入冥濛壯士歌中水邊兒篋裏風燒痕  
延廣洛秋色阻空同板屋年年賤憂時盼小戎

有人來套北言過受降城冰下洪河圻霜鋪宿草平蕭條  
猶古處富庶只虛名不待秋風起能令白髮生

北去無中外穹廬處處開羣鴻衝雨沒萬馬蹴雲來游牧  
天邊艸盤居劫後灰至今空屋瓦生計亦艱哉

歷歷山當戶荒荒水繞庭艸痕收野碧霜氣逼空青夢遠  
三邊戍書沈幾驛亭牛羊下來夕哀角不堪聽

讀史偶作四首

照臨明四方賴者中天日浮雲有時蔽黯黯忽如黍在公  
略敬畏竊祿守貞吉豈竟忘古人官高志盡失不見呂諫  
議臨危一語出天下事可爲惜哉無君實

易名不可希信史胡可玩似忘聖主寬臣論競交贊事成  
功歸上斯義失少閒煌煌朝班中闕此一疏諫秉筆不慎



始後人孰敢竄那見董狐直吾頭可以斷

吾家李蕭遠性介不合眾一著游山吟遂爲時所用展懷  
詡經世治績起茲誦古人多憐才後人獨不重徒存千里  
志寂寂自抱甕老死巖壑間誰聞阮生慟

大哉六合內羽族分梟鸞人胡不如鳥塵海同漫漫惡者  
交歡欣善者孤悲酸安得弋者手擊之金彈丸梟隄鸞翔  
空以爲人世觀弋者嗟不來徬徨摧心肝

陳崧字夢石廣東嘉應人諸生有東溪詩集

買犢歌和王曉滄廣文

鷓鴣村外碧煙浮青青草茁春山邱山邱綠繡茵如織如  
此芳郊堪養牛鷓鴣先生補天手雷雨經綸宏抱負不得  
民牧思牧牛求牧與芻此間有憶昔先生作廣文儋州苜  
蓿甘芳芬官閒無事惟吟蝶聲且裂石兼穿雲歸來一笑  
看林麓偶說生涯資畜牧春郊笠影逐閒雲花下揮鞭驅  
黃犢犢眠村塢嚼糲燕鳴聲豈必聞葛盧先生牽犢聊混  
跡人稱識字耕田夫往來隴畝依桑柘誰識先生非學稼  
獨立天涯感慨多我謂奇懷原有借傷心海水正羣飛狂  
蛟妖鱷誇雄威先生燃犀照牛渚欲驅大武吞蒼豸况昔  
火牛入燕壘角端束刃尾葦燬欲破強敵效田單奇謀思

雪羣生恥不然欲學寧戚之商歌飯牛車下清聲和得遇  
齊桓斧柯假獨伸大義揮天戈此皆先生意中事奇功將  
以黃犢致功成我憤放桃林卜盧將獻執牛至吁嗟乎卜  
盧將獻執牛至

書宋史文丞相傳後

古誼忠肝劫不磨維持殘局最奔波汴梁荆棘空吞淚海  
島烽煙自枕戈入句遺銘衣上記一篇正氣獄中歌謀分  
四鎮如能用尙可呼兵直渡河

次韻李雨蒼秋夜詠懷

秋風瑟瑟入篷廬涼夕幽懷感獨居一室不來今雨客百  
城惟擁古人書宵深自覺燈花老香淡應知菊影疎最羨  
青蓮邀月飲舉杯吟處氣凌虛

狂歌我也有奇情濁酒頻斟飲數觥志壯屢摩三尺劍詩

清欲占九秋聲閒搜墨草多塗乙偶詠黃花愛夢庚柳夢

黃花詩爲人所稱見山堂肆攷忽聽陽春何敢和愧將下里與人賡

和張船山驛柳四首次原韻

一角垂楊趁曉晴青青驛路好風迎千條繫馬常留影萬  
縷藏鶯不斷聲有恨問誰憐廢苑無情猶自接荒城漁家  
隔岸都如畫到眼疑來細柳營

喜看新柳染人衣短驛織腰憶舊圍攀到不堪今日別折  
來投贈幾時歸柔條曲路隨風舞晴絮長亭作雪飛最是  
多情推此種河橋回首尙依依

條風半拂值青陽春滿塵途憶故鄉古道曉來殘掛月離  
亭人去冷新霜紛垂雲護騎驢客絮逐煙飛墜鹿場一曲

邊關聽未忍幾番遊子淚成行

碧連十里似揚州滿路淒迷惹客愁撫樹忽驚成往事登樓方悔覓封侯渡江名士年猶少感舊英雄淚欲流青眼看人原一例不分炎夏與涼秋

金陵雜感二首

繁華事散逐塵輕祗賸江花照眼明如夢六朝啼鳥怨暮春三月聽鶯聲桓伊宅渺誰吹笛謝傅山空孰按箏舊苑荒臺遺址在殘螢猶自傍宵行

池平樹古幾經秋虎踞龍蟠事亦休建業山川猶有恨風流天子正無愁蒼茫北固多遺跡憑弔東昏憶故侯一曲

琵琶千載怨

揚帝將幸江都樂人王令言之子彈琵琶作翻調令言驚曰此曲宮聲往而不返

至

今嗚咽暮江流

劉洪度字爾侯湖南新化人有柯園詩草五卷

後二卷係詠史

詩遊於廖海樞先生可受之門海樞有鑄鐵齋詩存已入選卽爾侯所刊行也

湘鄉治軍時曾招之

出山因眷戀庭闈未允從

軍卒於光緒壬寅年

### 辛酉感事四首

慘澹龍蛇苦戰爭遠夷乘傲敢橫行轉輪得火疑飛渡作  
柱何人與力撐江海不靈潮自息鯨鯢掀浪勢如傾老成  
向有防洋策試起嚴公一細評

洶洶狂濤犯帝京設防差喜得長城只期淮水能摧敵  
誰料潼關又喪兵星變已先垂象警天傾端賴有人擎綠  
營象養歸何用合爲勤王一訂盟

宮闕凌雲一炬焦銅駝終古臥蓬蒿高天有恨龍鬚遠大  
地無人虎穴牢南北通衢新立市金繒歸路遠連艘萊公

邊截眞奇計莫縱溟鵬長羽毛

中原一局未棋殘況復吾軍有范韓鬼蜮只紅爲解崇介  
麟甯許混衣冠杞愴自笑天墮精衛無知類海乾內患  
儻平防外寇諸公重請跨征鞍

哀饑民

同治癸亥歲凶富民週羅山賊誘窮民而脅之遂罹慘禍作此憫之

邑小舊磽隳民貧歲無餘况乃天災頻旱溢連年俱富家  
忍障穀穀價騰於珠雖有鄰境饒不計號與虞泣泣作糜  
粥且復調糠稗稗亦不繼骨毀形貌臞山賊乘機來誘  
脅持戈及朝民暮亦賊所冀延須臾彼賊何太黠爾民何  
太愚賊窮有故巢民窮安所逋長官任民牧顛蹶需提扶  
要知哀鴻嗷原與蛇豕殊

秋感四首

錄三

鐵騎嘶風塞草黃，三秋烽火鬱俄疆。  
馭龍仙轡迴天地，得鼠寒鴟嚇鳳皇。  
越甲鳴君原可死，魯賚憂國亦堪傷。  
樞廷早決澶淵戰，仗鉞元戎謂左相鬃久霜。

星使迢迢又東裝，商飈掠地海波揚。  
遼金軌轍眞前鑿，蛟蜃腥臊有別腸。  
喬木盤根依故國，貞臣遺笏抵甘棠。  
節旄脫盡餐糟雪，莫盼秋雲雁數行。

黃葉林疎淡夕陽，遣懷聊復一徜徉。  
平蕪鴉陣寒雲斂，禿木鷹隼碧宇長。  
野色只添秋思悄，晚風偏作客衣涼。  
歸來好學蒙頭睡，多事鳴蜩繞榻旁。

詠史四首

乾鵲僅知來猩猩，僅知往偏知各受蔽。  
況乃兩俱罔暴秦，恣吞噬收舉期一網。  
近攻而遠交，包禍聊汝誑可憐。  
六國



愚玩弄甘股掌堂燕樂响响不計突煙上吳越同一舟生  
死相倚仗暮號朝及虞理若列眉朗信陵眞偉人一戰搃  
其吭

漢武威四夷慄讐窮水陸愴懷先世讐欲洗平城辱七科  
發罪謫軍事星火促重車百千兩飛輓軌相續當時財與  
力豈不日以蹙猶勝婁敬謀舉國安縮朒

世亂風俗漓人倫誼衰歇君子仕行義豈爲紳與笏歲寒  
知木貞時艱見臣節炊漸臨劍矛魂夢終恬悅雖陽人肉  
盡北海節旄脫遑顧身後名大義不容滅

魏公奔京師宗社蕩如掃誰與佐王室不一事征討苴茅  
受封土胸腹資拱抱提挈由他人机隍甯自保剝牀近其  
膚他日徒悔懊

楊葆光字古醜江蘇婁縣人有蘇齋詩錄隱於下位著

畫三體皆工久主浙中壇站與李輔堂秦澹如俞曲園諸公時相唱和宣統元年爲重遊泮水之期雖市

逾八秩而神明不衰作畫吟詩猶復日有常課有自壽詩十章吳下名流廣和之什盈尺

蔭甫文蕙所著書於右台仙館題曰書塚齋堂中丞用坡仙石鼓歌韻作書塚歌和者甚衆因爲繼聲

我聞蓬山鎮寅丑靈飛手握山中叟披髮翩然下瓊島揮

寫奇文籍湜走自與經師各千載豈共時賢出一口揚粃

莫謂孫綽前成佛不居靈運後伯玉行年六十化知非早

過五十九丈築冢時適年六十偶於曲園寄泉石又向西湖植桃柳

舟車所至聚蟬籤簡策有光射牛斗要知玉版須人刻譬

諸青囊繫吾肘百家雜選膚存液羣經紛綸苗去莠開卷

爭求馬鄭師修辭亦抗鄒枚友河洛該博同云云衡度留

貽賴敦敦史記詎令文誤豕汲冢從茲字藏蚪埋緼方將  
詔靈保編韋與共享胡耆漫從父老尋牛眠莫使娜環驚  
犬嗾相傳可比瘞鶴銘詎似無徵淮父卣傷時已薄潛夫  
論寫字不示無目暇試展方勻泊宅編文筆尖峰巖高屨  
溪山恍接銅官深霜露亦滋瓊屑厚好從王弼談元元更  
爲陸喬辨某某鑿楹納策已自愚秘館寫藏亦何有賤子  
今猶苦羈繼先生早歲脫鉗杻名教宗風闢白鹿世事浮  
雲任蒼狗不知蠻觸有風塵且喜往來無俗偶同時才數  
李將軍險韻詩成盡低首卽今西戎已請和萬戶歡欣洗  
槍楛吾儕亦得錦囊蓄先聲已聳領珠取作歌敢謝長公  
埒酌酒來除五箭垢巨網我幸得卒讀文嘗以全願共山  
靈且分守司書永恃付長恩寓言何待嘆速朽休徵更現

磚文瑞萬歲不敗請爲壽

文新得古磚  
文日編書

題姚月卿先生遺象

拋卻書生苜蓿盤  
毀家紓難獨登壇  
江鄉辛苦烽煙日  
惆悵軍門劍氣寒

先生於粵逆之亂集團殺賊

清奇濃淡任聯篇  
遠與唐賢結勝緣  
綠髮鬚圖成廿四品詩

情畫意兩悠然

象前後雜以詩品句圖計欲分繪各品而未成者

精刻來貽憶作家  
雲礪舊誼總堪誇  
象賢更見傳薪遠  
滄海攜圖快泛槎

自平山先生而下與寒家累有世姻今又識令子同生司馬於杭郡

將之黃巖丞任留別

壬午

憶從橐筆走杭州  
俗狀塵容豈自由  
厯劫不磨餘傲骨  
好山相對解離愁  
此行喜值三元夜  
無日雄稱萬戶侯  
卻笑頭銜聯簿尉  
漫云屈宋許同儔

卅年侘僚老諸生敢向風塵訴不平  
歷盡炎涼終避熱傍人門戶爲多情  
絃歌雅願追吹籥箸錄何當擬輟耕  
一命思於物有濟斯言聊以壯吾行

白雲親舍最依依  
俯捉當年游子衣  
微祿未能供旨蓄  
餘生無可報春暉  
瀧岡何日傳遺訓  
防墓於今悵遠違  
手澤

幸存思骨鯁善柔早覺世情非

篋中藏有先母書昌黎佛骨表

不堪別緒付西湖  
况更驅駒迫首途  
獎借齒牙勞屢庇  
解推衣食慰饑驅  
人情祇覺於吾厚  
塵海相逢亦自殊  
天下論交皆俊侶  
澹臺蹤跡未應孤

敢道哦松吏亦仙  
時艱何以解顛連  
須知下邑萑蒲靖  
豈恃巖疆鎖鑰堅  
琴瑟大堪平悍氣  
溪山還許仰先賢

朱文公嘗

目黃巖六潭爲溪山第一

江天日暮思無極  
早盼郵筒一幅牋

李寶翰字佩宜江蘇武進人有天寶閣詩鈔卷五同年

叔 天才華藻連蹇以終僅官丞佐非其志也呂  
景端序其詩謂不屑於唐宋門戶而能力追李杜

感事

原野蕭條極目蕪流離黔首泣窮途賈生宣室空陳策鄭  
俠流民早繪圖籌餉終年徵道路治兵何日靖萑苻樓船  
王濬威名久能副 朝廷側席無

三十初度述懷

五首

三十不稱意浮沈歲月長高堂催鬢髮塵世感滄桑倦鳥  
投林急閒雲出岫忙百年正多事努力保康強

人生無百歲聚散幾遷更落拓歸裝日淒涼故劍情未拋  
兒女累深悔別離輕齋奠空餘恨秋風涕泗橫

名山容嘯傲來日願終虛客况羞彈鋏窮愁愧著書閒居

耽水石故國慘邱墟消盡輪躡鐵謀生作計疏

衰世誰青眼貧交氣誼親文章敦道義肝胆吐輪囷遼海

參同契

予交朝鮮頗得文字之友

江湖憶故人離懷徒縹緲屢閱歲年

新

詩有窮人例愁多不廢吟遭時徒見嫉用世本無心薄宦  
勞行役微軀閱古今平生貧賤志未敢受恩深

### 九日登禹王臺

一度登臨一惘然

曩歲亦以重九日登此臺有詩

鄉心重到酒杯邊未知

白髮來何日又見黃花似去年風急高臺聞落木秋隨歸  
雁渡遙天荒邱縱有神功護滄海於今幾變遷

### 相逢行送趙菁衫太守歸山東

去年相逢在袁浦淮南木落蕭蕭雨下馬先吟驛路詩閉

門同聽衙齋鼓今年送君還山東山川瘦削青芙蓉鳥嘯  
月落酒尊白馬首日斜鞭影紅相逢相別何草草歸裝添  
得題襟稿離筵有淚不敢揮恐驚別緒傷懷抱明湖綠柳  
枝穆穆鵲華煙雨春光酣古厯亭前足修禊夢魂那得思  
江南江南水暎鱗鱗碧天涯有客相思積飛絮浮萍莫怨  
嗟人生聚散誰能識

經彝弟省親北發詩以送之

鄉國棲遲歲月寬西風吹夢滿江干喜逢白髮親庭健羸  
得青山客路看短燭孤篷聽雨歇天涯芳草惜春殘挂帆  
我亦南征去雲樹蕭蕭雁影寒

再示經彝

綠波激灩別愁深握手臨歧感不禁衣線縫殘游子淚布



帆載盡故鄉心年華過眼春光老湖海關懷夢影沈預約  
故園重對榻袖中詩卷與同論

戴啟文字子開江蘇丹徒人官浙江候補道有招隱山

房詩鈔八卷

俞曲園序云君爲澗鄰太守之子文章政事皆有父風癖嗜吟詠四十餘年積

詩甚富江右詩人熊香海爲刪存十之三十四幼負時名怪於一第爲詩推本於經史風騷不拘一格

東巖緇生比部年丈

辰

先人同譜已無多尚有靈光十九科一席名山傳道久以

庶常改官比部遂絕意仕四時佳氣占春和交深鄭編情進主講立志書院有年

如舊老著萊衣鬢未皤

太夫人猶在堂

擬仿桐鄉朱邑祀感深涕

泗欲滂沱

謂先君子遺愛在桐合祀名宦惜格於新例未能舉行此意良足感也

投徐小雲侍郎

用儀二首

秋風鶚薦卅年餘

先大夫分校浙闈所得士

華國文章信不虛早識良

材收杞梓終成大器重璠璣六卿分掌共工職

時長工部

十事

應陳諫議書久值樞廷勤珥筆百官典領會真除

晨星寥落故交存  
孔李通家誼獨敦  
國士久欽徐孺貴  
經師猶讓戴憑尊  
法書貽我珍雙璧  
手書扇對見貽嘉讌留賓盡一樽  
不借東風披拂力  
願從座上挹春溫

簡徐季和太常

致祥

抱負無因見措施  
特陳利弊聖明知  
上書獨應求言

詔鑄級榮於晉秩時  
去年以言事降調等是君恩教典樂親承

御座引朝儀  
識荆幸遂平生願  
經濟文章是我師

萬壽山頤和園

天開勝境傍皇都  
半是依山半枕湖  
嵐影波光俱入妙

雲廊月殿自成圖  
樓臺臺畫宸游暢  
花草精神帝澤

濡聖壽無疆欽  
舜母地靈應亦效  
嵩呼

碧雲寺

綠樹陰濃護幾重寺門深被碧雲封有人林外尋聲至飛  
出僧樓一杵鐘

圓明園詞

圓明園外池蓮香圓明園裏宮槐黃花開花落自榮悴閱  
盡世變如滄桑宦豎相逢已白首自傷寥落黯然叟侍從  
會隨 上苑游淒涼老向離宮守

管園太監陸得海  
會侍值 丙死

更有

老軍作導師偃僕而進前致辭爲言暮齒今七十親見當  
年鼎盛時

老軍李姓導游各處自言人宿衛  
班五十餘年親歷盛衰言之如繪

斯園勝概疑

天造不羨十洲與三島山明水秀有餘妍花放月圓無限

好最宜人似水晶宮桂楫蘭橈處處通直把江湖與滄海

併教縮入一壺中

園內水局最  
勝分扛湖海

月榭風廊巧廻互雲窗霧

閣紛無數向陽草木拱宸居含笑花枝迎輦路先

皇臨幸此停 鑿宵旰憂勤緒萬端不爲盤游耽暇逸日

從花底會千官幾餘到處揮宸翰珥筆詞臣侍香案偶

然潤色到山川留得天章焯雲漢海氛颯起連雲屯樓

船逼近趨津門將士無功宿衛散倉皇一炬煙塵昏荒涼

廢苑風光改物換星移經卅載與君回首忍重論老我餘

生還健在我聞斯語心不平怒氣奮欲吞長鯨安得手誅

逆夷盡快洗寰海歸澄清得君導引感君意如話開元舊

時事佳處惟留雙鶴軒劫餘再見鑿輿至水村圖近課

農軒春雨關懷仰至尊魚躍鳶飛溢生趣化機妙處契

無言園中惟水村圖課農軒春雨軒魚躍鳶飛諸勝尙存雙鶴軒新葺落成今上曾奉皇太后臨幸瞻

眺徘徊未忍去殘陽欲下西山樹一鞭回指長安街何時

重訪前游處

李恩綬字丹叔一字亞白江蘇丹徒人附貢生有睢州

室詩詞稿及宣南遊草

君所爲詩凡四千餘首晚年鈔存十四卷曰冬心書屋詩

存已刻者僅睢州室詩四卷詞二卷而已丙戌丁亥遊宣南有詩一卷延子澄學士清攜以示余爲錄數首丁明經傳靖言庚戌之歲君已七十有五孫曾林立神明不衰猶醉嗜吟詠云

### 燕京秋暮雜述四首

纔解征驂袖拂埃雲間宮殿仰崔嵬鳳鏡北闕晴霄聳龍  
展西山右輔迴九陌王侯羅第宅四城煙樹擁樓臺長安  
落葉西風瘦笑我襤褸席帽來

菊花天氣近霜乾南雁飛飛度早寒旅夢惺忪愁月照鄉  
書反覆倚鐙看窗糊白練鑽繩苦臺少黃金市駿難猶喜  
狗屠能爛醉荻蘆江上緩垂竿

杜陵短鬢漸鬢髮臣朔權營米滿甌雙腳雲山容我踣一

肩家事任兒擔行蹤飄似驚飛蝶文思抽如未死蠶覓傍

芙初詩社住可憐一例客宣南

近寓米市胡同昔劉芙初嘗僑此有雙藤書屋詩

也是公侯舊子孫飄蕭書劍祇清門文經武緯標前史世

異時殊賸夢痕景國荒坏秋草歿

綬第四祖諱讓明初尚永平公主封富陽侯加

封景國公墓在蘆溝橋玉井山之原

皇親舊巷夕陽昏

北京李皇親巷爲景國公賜第載在家乘

今覓其地在東單牌樓左右

蘆溝流水聲嗚咽願補松楸蔭栗園

景國公墓

一名栗園今名新莊

松筠菴拜椒山先生像

庵卽先生故居

我近客燕市落落無所遇不如讀古書前賢動瞻慕容城

椒山公正氣彌寰宇來登諫草堂想見公志趣擊奸一大

疏鶚立無所懼持此報國心臣死廻君怒歎其論馬市今

古起沈痼夷夏義極嚴利害知其故洞鑒蒿鷲心擁權復

納賂此端一以開千載爲國蠹我 朝尙寬大秦西恣猖

顧互市初在鄙繼遂擾堂戶道光子丑間樞臣事廻護蒲

城王文恪輔深知國是誤尸諫冀格天誰復能覺悟文恪

宜宗朝名宰相時值西夷和議初成公侃侃力爭忤樞相

穆彰阿公退草疏置之懷閉閣自縊冀以尸諫時軍機章

京領班陳孚恩就公家滅其疏別海鯨遂波山奇袞貨爭

撰遺摺以暴疾聞詳見郎潛紀聞赴毒膏崇四海霸糜更失措漏卮不可言子子復煦煦事

事總效蟻漸致寒言路今去兩年廷臣無仗馬不一鳴杞

憂安所訴公如生此時怒髮應倒豎遺疏洞古今筆筆語

如鑄公像儼生前恍惚坐如塑忠肝與義膽僉王見欲仆

載拜幾低徊斜陽候已暮松筠歲寒姿寄托於此寓分宜

鈴山堂至今誰齒數公昔愛焦巖曾從揚子渡海西仰止

斷瓣香祠一炷

先生云揚子無心渡揚子椒山有意合焦山吾鄉海西庵內有仰止軒祠公其中



詩成疥壁題今夜夢鄉樹

驅車出國門行送鮑川如進士之濟南

驅車出國門悵然遠行客  
鷓鴣雞嘯曙霜曉星穿樹隙  
回望臨歧人知君感行役  
鮑子意氣何恂恂五經紛綸并大春  
明遠詩學善繩武文章遂充廊廟珍  
世間由來不平事局促轅駒不得志  
冠蓋駢闐滿京華斯人胡爲歎顛悴  
故鄉下溪頻失秋鄭州溜長洪湖流  
江南米價亦踴貴可憐生計難爲謀  
年年我登王粲樓君亦往干東諸侯  
河渠水經急探討儲成實學充薪楨  
文字救飢那足道他年行見宣皇猷  
濟南自古盛名士且聞壇坫招同儕  
羈愁離懷可浪遣夢中敏惠相與游  
黃金臺上擁煙樹我在宣南正小住  
在相期獻賦搖鞭來看君健步蓬瀛路

王汝純字粹甫山西太谷人官度支部郎中有翠柏山

房詩草

自序云余宅西植柏百餘株讀書林中暇則寄與吟詠同治壬戌稍稍錄存未能盈帙嗣

官京師朋好讌集疊有唱酬因併舊作錄之迄於光緒辛卯顏曰翠柏從初志也 壬辰以後爲續編

哭大司空祁文恪公

富貴競時榮一朝歿則已馨香著令名千載終不死觥觥  
文端公歷相 四朝倚我公繼前徽位高不色喜憂盛復  
危明蓋慮無或弛歧途出不窮遵道蕩平砥晉秩大司空  
京兆兼攝理力挽浮競風瑣瑣無庸仕和介展禽儔清節  
公信比我初進謁時謬荷刮目視施松附薦蘿看花陪杖  
履退食約溫經雌黃寓詩史大絃奏從容唱酬叶宮徵  
生蟋蟀吟金石破柔靡逢人說項斯令我汗顏泚北學久  
榛蕪振興公力偉願聞兩大儒遺書盈案几願大而聞精

後學識途軌招集儒冠流春秋歆禋祀命我執豆籩陟降  
旅拜跪儒臣簡帝心三命督學使早歲乘星輅衡才涉  
湘水一再典春官甄拔知名士今夏出禮闈晝接覲丹扆  
帝曰汝顏悴校閱誠勞矣賞假資調攝從此遂不起無  
問識不識間之均灑涕我昔登寢門哭夫人公子今又哭  
我公天平遂至此茫茫塵海中何處覓知己

問警書感

陪京問道逼夷氛畿輔何曾駐大軍可恨西風催急雨那  
堪白日蔽浮雲上書爭羨胡忠簡謂安督戰誰爲虞允文  
我老壯心猶未已空餘翰墨策奇勳

安曉峯侍御

維峻

以言事遣戍軍臺賦此送之

毒霧滋瀰漫東海起長鯨鱷魚甘助虐吞噬任縱橫龍伯

不能制勢將天柱傾揚鬢鼓洪浪涇渭淆濁清蹇蹇安侍  
御獻替矢忠誠豺狼當道避骨鯁逆鱗撻誓甘愚黷不  
欲脂韋榮要爲天下奇不受鄉曲名甘肅兩直諫謂吳柳堂先生  
先後騰芳聲北風霏雨雪攜手送君行卜鄰僅一載曉峯與余  
寓此別見平生鸞鳳暫離網終作高岡鳴

輓李文正公六月二十五日薨

周室無端擾四夷孤忠憂憤病難醫羣才誰克支危局一  
老天胡不怒遺汲黯匡君稱鱉直李綱籌國力維持屢門  
拜奠頻垂涕痛惜人亡豈爲私

正月十二日同人約潤甫大京兆飲雲山別墅己亥

去年送君赴陪京簡書有程星輶駛騷壇酒陣遂寂寥  
不識何時得覲止旋鷹寵命尹京都意外相逢胡不喜

拔茅連茹慶彙征

李蔭翁超遷開學

一歲三遷榮莫比今春大雪

滿長安甘雨隨車無逾此雙懸日月照乾坤

李

光芒六合

無泥滓

杜

毒霧妖氛迅掃除沿海鯨波亦息矣君有嘉謨

告我

后朝政清明去穠秕委任繁劇試通才扶風馮翊

共待理吾鄉先達有遺型田魏餘風望繼美今朝別墅薦

春盤賓主唱酬桑與梓雪霽看山盡入樓對之可以酌芳

醴君家籍咸不可當鳳翥鸞翔接踵起尋看大阮覲龍光

再開芳園宴桃李

壽萱新摧廿  
臬尋 陸見

十月十日潤甫大京兆觴同人於西爽閣疊前韻

晴軒簪盞愛朝陽昨夜長空雁叫霜雋味初冬籬菊刷冰

心一點嶺梅芳衰年冷宦思田里快意忘形覓醉鄉況值

鈞天韶樂奏羣仙獻壽紫雲房

邵曾鑑字心炯江蘇寶山人廩生有父廬遺稿君與余

菁縞帶嬰鳴歡契無間惜落拓佗係喪其嘉耦中年  
殂謝遺稿由唐侍郎文治陳禮部世垣集賞付刊

### 紀夢

丈夫失意守兒女閉門獨醉亦豪舉醉中直上排天閭俯  
視紅塵盡飢鼠已死成都賣卜人可餘吳市吹簫侶猛風  
陡作天冥冥彷彿見之山鬼聚路旁髑髏滿口泥泥口仰  
天不能語吁嗟乎人生鬱鬱徒自苦縱得王侯亦塵土重  
瞳尙難殺亭長猿臂何能爭萬戶應悔當年不醉埋早把  
功名讓羣豎我今嘔酒傾酒腸獨立蒼茫一澆汝金烏忽  
躍魑魅逃萬里江天淨如組過江來弔逐客靈怨魄愁魂  
相對舞芙蓉蘭佩是耶非美人娟娟隔秋浦美人何爲隔  
秋浦我欲從之采芳杜攜手太白樓樓外一輪古灑淚劉

伶墳墳前一鋪腐明月誰家飛羽觴黃土無人滴村酤彼  
哉行樂尙如此我輩工愁復何補上帝于今亦衰老眞宰  
欲訴不得訴耳邊時聞狺狺怒夢墮打門風似虎

人日辭家

應督學使者王祭酒師  
之招住南菁書院肄業

草草新年酒茸茸做布裘打門風色緊捲地雪花道生計  
窮詩料浮名賺別愁病妻先我醉不忍送孤舟

泊江陰

帆落春潮急荒城坐瞰江山靈泣叢碧松吹叩蓬窗星聚  
一千里雲停十數艘文章報知己巨筆孰能扛

江陰瀕返孫師鄭唐蔚芝偕諸同學設餞別後賦此  
鳳泊鸞飄不世傳東南靈氣幾人收狂言滿座青山笑別  
酒如淮白袷愁萬一蒼生須我輩從來江左足風流百年

未絕乾嘉韻盛會高文感此游

吾園寄懷張芝舫

白送張郎宦汴陽鱸魚滋味覺荒涼  
枯荷衰柳無佳思濁酒昏燈有別腸  
詩擬香山新樂府夢來雪苑舊河梁  
吾儕究竟生何用眼底乾坤刺背芒

夢先君子撻

十載莪蒿痛須臾杖楚恩親憂終莫解  
餘事更何論負負在人世依依空墓門  
夢回盈枕淚悽絕一鐙昏

立秋夜與沈奉梧話月吾園

大道在吾黨狂簡今何裁

葉田師歸浙

世已嫌初服天尤忌慧

才刺時藏篋橐盟影俯階苔誰賦褰裳者芙蓉寂寂開

時命動相左獨於秋易逢雲遲將到雁露警試言蟲

芝舫宦汴



四庫全書  
卷之五  
十四  
將涼夢不堪接素心於此同漫生搖落感孤月稱疏桐

織婦歎

吾鄉故瘠土十種九木縣瀕海多風潮十收九無年辛苦  
收滿擔破格恩自天此織易彼粟縷羣命牽蓬垢鄰家  
婦花袋當腰纏夜籌昏鐙軋朝彌落月彈昨紡今上機租  
吏已打關兒身尙無襖女被更淒單蚩蚩抱布出問價徧  
里塵曰有官家製抱此那值錢亦欲還抱歸裁補牛衣完  
誰能以卒歲入口噉相連鄰婦抱布泣我聞鼻爲酸溯從  
異族來奇貨居百端仿製創新局輒云此計便內以充國  
用外以攘利權胡期行周行嗟吟大東篇相臣有宏綱在  
野私自憐道路姑妄聽我爲織婦歎

鄭官應字陶齋廣東香山人現官江蘇候補道有羅浮

侍鶴山人詩草

盛尙書宣懷云陶齋詩不立崖岸不尙修飾隨事隸詞稱情而言其於中

西政教道藝及同光以來時事得失人才消長之故一篇之中三致意焉

贈李次青方伯時同在海南軍次

文苑當推一代宗衡湘靈秀至今鍾勳銘粵海垂千古名  
記屏風眷九重才士幾人思附驥鯁生何幸許登龍吟  
懷藉得江山助瞻仰芙蓉第一峰

英雄退步卽神仙宦海升沉亦偶然裘帶風流羊叔子精  
神矍鑠馬文淵忠貞許國承先澤科第傳家啟後賢共羨  
如椽一枝筆百篇斗酒紹青蓮

豪氣元龍尙未除才兼文武更誰如十年辛苦曾磨盾百  
戰歸來更著書奇景丹山翔鸞鷲壯懷碧海掣鯨魚重煩

幕府參軍略未許歸田賦遂初

熒熒星影閃蚩尤聞道西戎尙逗留詭計縱能趨劍閣要  
求漫許借荊州天威會見平強敵臣志原思障倒流指  
顧功名書露布烽烟萬里靖遐陬

恭輓醮賢親王

王以帝父尊黼屨受付託出入長信宮懿旨奉簾幕  
謙冲秉至性幾揆由見灼勅議立海軍備禦島氛惡才俊  
充幕僚樞機縮臺閣不侵當事權藩邸甘寂寞訓練求精  
純規模漸恢廓威信著瀛海虎狼折斷齟豈期謝人寰天  
柱失喬嶽哀痛徹九重廟算誰商推憶昔寄溫諭萬里  
知強弱蒙寄諭偵探邊情隨時電稟奉命訪奇器軍械爲籌度獻以德  
律風電線從此作錫之珊瑚頂辭以福命薄惟恃清慎勤

藉答高與博鍛羽困香江數問今何若

余因太古事久飄在港聞數問張侍

郎鄭道現深漸處囊錐勿笑羊公鶴

在何處

### 輓家玉軒京卿

文經武緯震荒遐機杼新成自一家  
縞紵聯歡交近古衣冠論族胄  
參華運籌早著千秋績持節遙通  
萬里槎回念生平知己感遺書檢讀  
每咨嗟

### 與西客談時事

有客談中華隱抱腹心疾厥弊誤因循  
凡事守迂拙礦產富五金匪獨旺煤鐵  
雖有採辦者往往多牽掣刻舟以求  
劍膠柱而鼓瑟粉飾每自欺浮華難  
覈實羣雄各覬覦利權暗侵奪俄德  
窺北轅法日界南轍英復圖中央圍  
棋布子密或借港泊船或租地築室  
或司總稅務或代郵傳驛

或爲開礦謀或爲訓士卒鐵路或包工國債或借撥措施  
靡不周陰謀多詭譎欲取故先與亡本翻逐末怪哉據要  
津猶自耽安逸無復計變通祇用羈縻術厝薪卧其上舉  
火同迅發其勢必燎原其間不容髮虎視兼狼吞海疆終  
決裂奮筆作此詩字字含淚血危言宜深省聊用告明哲

贈盛杏蓀太常

匡濟宏敷舉世推 殊榮特沛拜容臺  
洛陽賈傅頻陳策 江左夷吾重理財  
鸚薦不忘知己感 鴻碣深賴救時才  
集思廣益扶危局 會見英雄起草萊

贈李伯行觀察

匡時學術濟川才 屢向滄溟秉節來  
象譯華文胸畢貫 蟠根仙李首交推  
五洲史略羅方寸 累葉英聲遍八垓  
相業

韋平心法在後先輝映指三台

題潘蘭史典籍望羅浮圖次卷中韻

探奇曾躡羅浮頂一別梅花夢十年仙蜨靈禽迎羽客黃  
龍白鶴引漁船欲從葛令參鉛汞閒與麻姑話海田今日  
披圖憶陳迹寸心飛越碧雲邊

書憤

滄海苦橫流浮雲蔽山嶽中土有病夫晏安誤酖毒外侮  
既頻仍內亂又潛伏歐洲論邦交形勢計強弱保護蹈波

蘭獅熊

英呼爲獅  
俄呼爲熊

非我族兄弟鬪於牆

中日  
失和

羣雄眈欲逐

海上修瓜分路礦問誰屬有利必均沾得隴還望蜀借端  
肆要求幅幘日以蹙欺我秦無人所用非所學兵部不知  
兵武員乏韜略刑部不曉律胥吏弊易作戶部不興利農

工日蕭索坐論推元老部員供唯諾事苦上不明動爲下  
所黷太息交征利數衍支危局終爲白種侵生民悉挫辱  
不見彼屬地暴虐任魚肉輕視若馬牛賤役等奴僕不許  
掌兵權薦擢僅微祿昏昏醉夢者疾呼宜警覺救時共發  
憤變法尤貴速上行下必效明耻以整俗衆志藉成城剝  
極當占復若誤再因循其患潰心腹保國卽保家聊以矢  
忠告

社稷臣

古稱社稷臣休戚與國同周公相成王不畏流言攻信國  
扶宋祚談笑臨兵戎古人重大節矢志惟孤忠嗟彼偷生  
輩養癰罪無窮